



Цанихсса агьулданул цанихсса арс

Хиакин-отоларинголог, медициналул элмурдал доктор, профессор МахИаммад Къажлаев увну 130 шин шаврин хасну

10
лаж.



ЧАРШИ

№3
(2169)

27 ЯНВАРЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивКссар 1917 ш.
Цунил итабакьлан бивКссар 1991ш.

Тайланнасса эфир

Тайланмасса суаллахьхьун – тайланнасса жавабру



3 лаж.

Муказаллийхьайсса лабизавуртту дуркIунни Сергей Меликовлуйн.

Жула теле-журналист Оьмар аьрай

Украиннаву нанисса хасьсса дьявдул операциялия аьралитурар личИ бакьа, оьрмулун хьуннасса нигьачИшивугу дунура, тикку хьанахьисса иширтгая гьарца кьини жухьва буслай зий буссар военкортал, тележурналистгьтал ва оператортал. Вайннавах уссар чIявучин кIулсса жула лакку оьрчI, НТВ-лул тележурналист Оьмар МахИаммадов ва ванал оператор Рабадан БахИаммадовгу.

→ Ахир 6 лаж.



Бала-хатIасса пандемия кьуртал хьурчагу, мунишал талай «ятIул зоналий» зий бивКсса, чIявусса къашайшалт бивКIудул хьяппуца зевххусса хIакинтурал цIарду хIакьинугу шьв дихьлай бакьару жува, миннахь, байкьалитIавай, барчаллагь тIийнма буру. ПаччахIлугьралгу багьайсса кьимат бивщуну бур миннал захIматран. Му аькьувасса азардануца инсантал ххассал буллай, талай, цал Гьумучиял азарханалий, яла Москвавил «ятIул зонардай» зий ивКсса ХIусайнов МахИаммад МахИаммадрасуллул арс лайкь хьуну ур та ппурттуву Дагьусттаннал БакIчину ивКсса Владимир Васильевлул ва Аьрасатнал Президент Владимир Путинлул чулухасса Барчаллагьрал чагьардан.

Жула вирттал

ЯтIул цIарал зоналува увагу къауккайсса хIакин



МахИаммад хасьсса аьралий операция нанисса кIанттай

Зулайхат ТАХАКЪАЕВА

Ми Чагьарду цивпагу, 2020 шиналва булун ккаккан бувну, къулбасру дурсса бухьурчагу, дахьва утти бивну бусса бур Лакрал райондалул бакIчи Юсуп МахИаммадовлулчIан. Ми залунначIан биян чIал шаврил хьунмур савав тIурча, хьанай духьунсар МахИаммад цува, мудан экстремалсса кIанттурдай ушиврийн бувну, ириллай акьашиву.

ЦIанасса чIумалгу МахИаммад цала хIакиннал бурж биттур буллай ур хасьсса аьралий операция нанисса кIанттай, бивКIулийн лажинну авцIуну тIиссакасагу, жула аьралитурал оьрмурду ххассал буллай.

Тихунгу лавгун ур цала хушрай. Зий усса ур хьхьирил пехоталул медицинский взводраву хирургну. Лайкь хьуну ур паччахIлугьрал ларайсса наградалан – «За спасение погибавших» тIисса медальданун.

МахИаммад ХIусайновлуйн бувКIсса Барчаллагьрал чагьарду булун ттигьанну Юсуп МахИаммадов, цала хьиривчу Явсупи ХIамзаевлуштал ва «Илчи» кказитрал хьунама редактор Руслан Башаевлуштал, ивунни Каспийскийлин. Тикку ялапар хьанай бур МахИаммадлул кулпат Аминат кIия цаннал хьирив ца лавсса арснашал.

→ Ахир 7 лаж.

Террордануца бурувчуну бикІан

МахІачкьалалив Дусшиврул кьатлуву хьунни ДР-лул НАК-рал (Национальный антитеррористический комитет) заседание. Ванил даву дачин дурну ия Аьрасатнал ФСБ-лул директорнал хьиривчу, НАК-рал аппаратрал каялувчи Игорь Сироткин.



Адриана АБДУЛЛАЕВА

Заседаниялий гуртту хьунни Дагьусттаннал БакІчи Сергей Меликов. Ва дайдишин хььичІ хьамаллулрал ххал дунни Каспийскалийсса КІулшивуртту дулаврил Республикалул центрданул оьрчІал дирхьусса суратиртгашалсса «Вместе против террора» цІанилусса выставка. Шиккура Республикалул Жагьилтурал министерстволул ккаккан дунни терроризмалул идеологиялийн кьарши бацІаву мурадрай жагьилтурал дяннив дуллалисса давуртту.

Выставкалул ца бутІану хьунни «Своих не бросаем», «Необъявленная война» тІисса В. Макаровал цІанийсса Аьралуннал савлугьрал музейрал экспозицияртту. Выставка ххал дуллаи бунува, Дагьусттаннал Миллатрал политикалул министерстволул вакилтурал бувсунни цукунсса давуртту дуллаи буссарив республикалий террорданийн кьарши бацІаву мурадрай. Бувсунни «Виртгаврал вахта» проект дузрайн дуккан даврия ва аьдатравун багьсса дунияллул халкьуннал дяннивсса личІи-личІисса диннал вакилтал гуртту шайсса жагьилтурал форумрай.

Заседаниялул лагрулий ххал бивгьунни терроризмаллийн кьарши бацІаврил масьала, ихтилат хьунни му мурадрай дуллалисса

давурттая ххишаласса мюнпат хьунсса чаран льякьаврия.

Мероприятиялул гурттучитурал, ларгсса шинал комиссиялул дурсса даврил хІасиллугу дурну, тихуннай дулланмуння бувсунни.

Игорь Сироткиннул бувсунни, терактру дуллансса дунияллул халкьуннал дяннивсса террористурал организациярду ва кьюлтІсса кюртти сакин хьанайна бушивруцІун, Украиннал спецслужбардугу ва националист сакиншиннарду жула билаятрай диверсияртту ва терактру дан хІадур хьанай чялиш дуркун душиву.

Ванал бусласимунийн буну, 2022 шинал хІадур дурсса 120 терактран, ххуллу кьукьин бювхьуну бур. Мукун, ххуллу кьукьуну бур Украиннал спецслужбардал тапшур буну Ухсавнил Кьавказуллал федерал округрай дан нанисса терактран. Вайннал мурад бивкІун бур промышленностьрал, ччуччиялул ва энергетикалул комплексирттал, властьрал органнал ва аьралий инфраструктуралул, агьамсса социал объектирдал даву нирхирава дуккан даву.

Ва бакьассагу, ларгсса шинал ихтиярду дуруччай органнал бат буну бур террористурал 68 кюру. Миннава бачІи Ухсавнил Кьавказуллал федерал округрай,

граи, мукума Дагьусттаннайгу бивкІун бур.

Аьрасатлувтал вай иширттавул кІункІу буллаи бивкІун бур соцсетирдайхчин ва ларкьусса интернет-ккуранныйхчин. ЧІаланну чІяву хьуну бур ларгсса шинал, теракт хьунтІиссар тІий, кІул бакьасса инсантал идарарттайн оьвтІисса ишру. Амма СКФО-лийсса паччахІлугьрал структурардаша бювхьуну бур, тагьарданул ялув бавцІуну, терактру хьун кьаритан.

– Укуннасса даву дурну дур Дагьусттаннайгу.

Ци чулийгу, личІлулу бикІан багьлай бур, террорист организациярдал чул бувгьуми жагьилтал цала чулийн кІункІу бан чялиш бувккун бушиву хІисавравун лавсун. ЦІанасса чІумал хІасул хьусса тагьарданий, агьали, объектирду мюхчан баву мурадрай дуллалисса давуртту цІу дуккан дан багьлай бур, – увкунни Игорь Сироткиннул.

Дагьусттаннал БакІчинал барчаллагь увкунни И. Сироткиннухь республикалул буллалисса кумаграх.

– Властьрал органнал ва ихтиярду дуруччай органнал жяматийсса ва диндалул организациярдашал цачІу чаран льякьаврийну чІаланну чан дан бювхьунни республикалий террорданиясса нигыачІаву. Тагьар ва даражалийн дуцин кьахьунесса Аьрасатнал НАК-рал аппаратрайсса кумаг кьабивкІиссания. Дазул кьатІаллил гужирдал тигу кьаст лахІинтІиссар Дагьусттаннай тагьар оьлукьин дан. МукІуруа жушара цачІу Дагьусттаннай мюхчаншиву ва низам дуруччин ва ххуй чулиннайсса дахханашивуртту дан бюхьаншиврий, – увкунни регионалул бакІчинал.

Ванал кІицІ лавгунни Дагьусттаннай терактру дан бюхьайсса объектирдайсса тагьар ххал диргьушиву ва ххишаласса чаран льякьушиву жагьилтал террорданул ххуллийн кІункІу хьун кьабитан. Мукунма, промышленностьрал, транспортрал, ччуччиялул ва энергетикалул, цІуллу-сагьшиву дуруччаврил, кІулшивуртту дулаврил объектирду, чІявусса инсантал батІайсса кІанттурду мюхчан баврил давуртту гуж дуллаи бушиву Республикалул Вивалли иширттал министерстволушал архІал.

Аьралитурал чІарав бацІаврихлу

Баргьбуккавал аьралий округрал командующий Рустам Мурадовлул дакІнихтуну барчаллагь увкунни Дагьусттаннал БакІчи Сергей Меликовлухь ва Дагьусттаннал ХІукуматрал председатель Аьбдулмуслим Аьбдулмуслимовлухь, хасьсса аьралий операциялуву гуртту хьанакьиминнан ва миннал кулпатиртган буллалисса кумаграхлу.

Адриана АБДУЛЛАЕВА

– Мажал бакьашиврухь кьабурувгун, зу мудангу льякьару чІун жула виртгаврал чІарав бацІансса. ЛяличІинува барчаллагь учин ччай ура зухь кьуллугьрал бурж бартбигьлай жан дуллусса полков-

ник, хІакьсса патриот Марат ХІажибалаевлул гьан-мачча-миннаха дурсса аякьалухлу ва кумаграхлу. Ванал жан дуллуссар Ватандалул цІаний, тацІав хьамакьаитантІиссар. Ча тІий ура зу буллалисса захІматрал ххуллий тІайлабацІу, – тІий, чивчуну бур телеграммалий.

Лайкь бунни барчаллагь

ДР-лул БакІчи Сергей Меликовлул каялувшиннарай хьунни регионалийсса «Единая Россия» партиялул отделениелул Президиумрал заседание. Гурттучитурал ххал диргьунни партиялул 2023 шиналсса даврил план.

Имара САИДОВА

Сергей Меликовлул цала ихтилатраву кІицІ лавгунни партиялул даврил проектравусса агьаммур бутІа Украиннал аьршарай нанисса хасьсса аьралий операциялуву гуртту хьанакьисса аьралитурал ва миннал кулпатиртган кумаграу баву хьанакьиву.

Хьирив агьаммину кІицІ лавгунни агьалинал кьатравун бияннинсса газ буцаврил программа, социал объектирдал строительствалул ва школартай гьануцІакулсса ремонтру даврил масьалартту.

Хьирив «Единая Россия» партиялул каялувчи Андрей Турчаковлул чулухасса Барчаллагьрал чагьарду тапшур бунни аьралитурал подразделениертган ва хасьсса аьралий операциялуву гуртту хьанакьисса аьралитурал ка-кумаграу буллаи бивкІиминнан.

Барчаллагьрал чагьарду Лайкь бувминавух ия ДР-лул Халкьуннал Мажлисрал законналсса, паччахІлугьрал строительствалулсса, кІанттул цила каялувшиврулсса ва регламентралсса буллалисса комитетрал председатель Артур Исрапилов.

Прививка кьадурсса 4 инсан ивкІуну ур

Ларгсса арвахІкьини Дагьусттаннал ХІукуматрал хьунама Аьбдулмуслим Аьбдулмуслимовлул каялувшиврийну хьунни ХІукуматрал 2023 шиналсса цалчинмур заседание. Ваний гьаз бунни шанма масьала: прививкартту дуварицІун ва зузи кІанттурдацІун бавхІусса, регион Аьрасатнал паччахІлугьрал программардаву гуртту шаврицІун бавхІусса.

П. РАМАЗАНОВА

Премьер-министрнал кІицІ лавгунни лахьай азарду кьадияншиврул вакциналул бияла исват бувшиву, цаппара вирусирттан ххуллу кьукьинсса хІарачат буван хьурчагу, тагьар уттигу хІура дуккан ритан кьабучІисса душиву. Ванал бувсунни агьали прививкарттая махьаллил хьанакьисса ишругу ялу-ялун чІяву хьанай бушиву, масалдаран, 2015 шинал 4000 оьрчІал дифтериялул прививка кьадурсса иш бивкІхьурча, 2022 шинал 24 азара оьрчІал кьадурсса иш бушиву. Бувсунни шиная шинайн гьарза хьанай бушиву коклошрал азар дирми, 2022 шинал 432 оьрчІ кьашай хьушиву, хьхьичІмур шиналнийяр 5,5 процентрал гьарзасса ва коклош дирсса оьрчІаву 88 процент прививкартту кьадурсса бивкІиву.

Ва сезондалий гриппрал ливтІусса инсантуравугу 4-гу прививкартту кьадурсса ивкІуну ур.

Цуллу-сагьшиву дуруччаврил министр Татьяна Беляевал цилва докладраву балжину бувсунни лахьай азардаша буруччаву мурадрай цукунсса давуртту дуллаи буссарив. Бувсунни, вакцинарду буллаи буну тІий, 1997 шиная шинмай дифтериялул азар дирсса иш кьавхьушиву, 2010 шиная шинмай полиомиелит пив кьархьушиву, гепатитрал кьашавайми чан хьушиву.

– Ларгсса 2022 шинал жуша бювхьунни вакцинардал кумаграйну коронавирусрал азар хьхьара дуван. Пандемия баян бувния мукьах вирус дирсса инсан республикалий хьунни 259 915, вайннавату лабораториялул диагноз тастикь дурсса – 102 405 инсан. ЛивтІусса хьунни 3620 инсан, – увкунни ванил. Бувсунни аьркинссаксса прививкартту республикалий душиву.

Лахьай азардал заралла бувсунни Роспотребнадзорданул Дагьусттанналмур управлениелул кьуллугь чІумуйну бартбигьлагьисса Залимхан Оьмариевлугу.

Ххал бивгьунни социал объектру

Январьданул 24-ний Дагьусттаннай кьуллугьрал аьрххилий ЯувкІунни Аьрасатнал мюхчаншиврул министрнал хьиривчу Тимур Иванов. Регионалул БакІчи Сергей Меликовлушал цачІу мунал ххал бивгьунни МахІачкьалалив «Ипподромрал» райондалий буллалисса школа. 1224 дуклаки оьрчІансса объект буллаи бур «Дуккаву» тІисса национал проектрал лагрулий. Школа баврил давуртту кьуртал дувантІиссар 2023 шинал.

ДакІнийн бутанну, 2022 шинал, «Демография» ва «Ду-

ккаву» нацпроектирдал лагрулий проектругу дурну, буллаи

бивкІиссар 110 дуккаврил объект: 51 школа ва 59 оьрчІал багь.

Тимур Ивановлул ххал бивгьунни «Ипподромрал» райондалий 200 кІану бусса оьрчІал багь, шусса аьралуннал госпиталь буллалисса кІанттурду ва Каспийскалал флотилиялул инфраструктура лядуккаврил давуртту.

Декабрьданийсса базаллул багьри

Ларгсса шинал декабрьданий, ноябрьданух бурувгун, мушта-ринансса багьри лахь хьуну бия 101,10%.

Декабрьданий дукиялул багьри гьаз шаврийн асар биян буну бур ахьулсса ва ахьнилсса ххира шаврил (5,9%). Тамансса ххира хьуну дия помидорду (19,7%), кьюмайтІутІи (17,8%), кьур (12,4%), ятІул чимус (11,1%). Нувши ххира хьуну бия 7,9%, чІикІунтІа

– 6,9%, шюллишия, хьюртуру, ттуккул нис – 5,9-6,1%. Чанкьансса ххира хьуну дия лимон (5%) ва нисварти (4,7%). Гьивч кьювкьуну бия 3%, лаччи – 2 %.

ДикІул сурсатирттавату ххира хьуну дия кІуврал дурсса дикІулми (3,1%), дикІул кон-

сервартту (3%). Ялавай багьну бия аьнакІул ттиликІрал багьа (2,4%).

ЛирчІми дукиялул сурсатирттавату 4,3% лахь хьуну бия ккунукар багьа, хьувхьуллул курпарду – 4,2%.

Ялавай багьну бия 3,6% хІуву качар, ппиринж – 3,2%.

ХІадур бувссар
ХІ. АБДИЛОВЛУЛ

Сергей Меликовлул балжисса жавабру дуллунни дагъусттанлуvtурал суаллахъхъун

Сергей Меликовлул жавабру дуллунни хъинну агъамсса суаллахъхъун. Ми бия региондалий догазификациялул программа бартдигъаврил, ЖКХ-лул масъаларттал, электроэнергиялул ва шинал дузал баврил, инвалидтуран кумагру баврил, территориярттаву дузалшинну даврил хлакъиравусса.

Республикалул каялувчинал бувсунни мукума Дагъусттаннал футболданул тагъардания ва ялун бучантИмуния. МахIачкъалалив автобусу бацIайсса кIанттурдай дузалшинну даврия, машинартту бацIан байсса кIанттурду биялсса бакъашиврул савартта. Бувсунни мукума Расул ХIамзатовлул 100 шин шаврил юбилейран хасъсса шадлулгъру даврил хлакъиравулу.

«Агъамшиву ХIасавравун ласурча, цалчинмур кIанттай бишин аьркинну чIалай бур ЖКХ-лул масъаларттацIун бавхIусса суаллу, цIусса шинал цалчинми гъантрай гъамин вайннул бурукин бия чIявусса дагъусттанлуvtурал. Жу вай масъаларттаха зий буру, хIарачат буллай буру ялун нанисса чIумал ххишала мукумсса захIматшивуртту хъун къадитан.

Ва ялагу, инсантурал чIячIяни кIицI буллан бивкIунни жучIава хъанахъисса законну лиян дуллалисса иширтта. Гъамин, муниятур жу агъалинал жIшалласса дахIаву дузал дуллалисса, миннал захIматсса масъаларттал хлакъираву жун баян баншиврул. Мукумсса дахIаврил жун кумаг буллалиссар инсантурал тIимур баян, миннал масъалартту дузал баншиврул», – кунни Дагъусттаннал БакIчинал.

СВО-лий жан дуллусса Аьрасатнал Виричу НурмаХIаммад ХIажимаХIаммадовлул нину Сапигат Мазаевал цIувххунни Дагъусттаннал БакIчинахъ, СВО-лий накълу хъусса аьралитуту-



Январьданул 25-ний «Дагестан» РГВК-лий хъунни региондалул каялувчи Сергей Меликовлулшассе тIайланнасса эфир. Шанна ссятрал мутталый Республикалул БакIчинал жавабру дуллунни цахъхъунма буллусса 35 суалданухъхъун. Цинявпагу дагъусттанлуvtурая Сергей МеликовлулчIан бивкIун бия личIилиссса каналлавух 4, 5 азарунниха ливчусса суаллу ва лабизавуртту.

рал цIарду абад дувантIиссарив, куну. Мунил мукума бувсунни хасъсса дьэвилул операциялий арс ивкIусса ца хъамитайпалул тавакью бивну бивкIшиву ца кIичIираваллин арнал ца дизан, амма га къуллугъчинал га хъамитайпалухъ тIярзлий адав дакъасса жаваб дуллуну дур. Сергей Меликовлул тапшур бивну бур гацIанава лякъин адав дакъасса тIул дуресса къуллугъчи. «СВО-лий ливтIусса аьралитурал цIарду абад даврицIун бавхIусса масъалартту ххал бигълай буссар Верховный главнокомандующийнал, обороналул министрнал ва СВО-лушал дахIаву дусса цаймигу каялувчитурал тапшурлулгъру бартдигъаврил аралуву.

Цайми кучардал цIарду даххана дуван захIмат хъанай бухурча, жушава бюхълай бур миннал цIарду дизан цIуну бусса кучардан, школарттан, спортрал объектирттан. Жува буржлувссару

ва даву дачин дуван», – кунни Дагъусттаннал БакIчинал. Мунал тапшур бунни МахIач Оьмаровлулйн информация салкъи дуван, циксса дуссарив СВО-лий ливтIусса аьралитурал цIарду диресса ултти лархъун кучардай, циксса дуссарив дацIан дурну миннан гъайкаллу, бюстру. Сергей Меликовлул барчаллагъ кунни Сапигат Мазаевахъ дуллалисса давурттахлу. «Барчаллагъ вин хъунмасса, жува чIячIяни хъунабакъару, ттинияр гихунмайгу хъунабакъланссару. Бусласу жухъ ниттихъал, шахъаннил, гъанмаччассаннал масъаларттая», – кунни Меликовлул.


МахIачкъалаллал таксист МахIмудлул суал буллунни, ххулурдай апатIру чан хъуншиврул ци бан аьркинссар тIисса.

Сергей Меликовлул жавабран тIимунийну, апатIирттал савартту ххулурду ххуйсса бакъашивруяр ххишала машиналул тех-

отбойникирттал, камерардал ва гъарца аьркинлулгърал», – кунни республикалул хъунаманал.

Дагъусттаннал БакIчинал жаваб дуллунни республикалий гъавалул тагъар даххана хъуну чирахъру лешан баврицIунсса суалданухъхъун. Авария сававну чани лешан баву ца яла агъаммурну хъанай бур. Энергетиктурал бусаврийну, чIявуми пишкартал зий бивкIун бур хъинну захIматсса тагъарданулу дяхтIагу, хъхъувайгу. ЦIанагу зий бусса бур мува масъала дузал бавриха.

Ца хъамитайпалул суал буллунни «Уйташ» аэропорттагу МахIачкъалалив жяматрансса транспорт зузи даврил хлакъираву. Сергей Меликовлул тIимунийну, мува суал булайсса бур туристгъуралгу. Мунихъхъун жаваб дуллай, Республикалул БакIчинал бувсунни цIанасса ппурттуву ДР-лул Транспортрал министрствалул



никийсса тагъаргу хъанай дур: машинарттал тормозру къаххуйну зузаву, ягу передачартту даххана къахъанахъавугу сававну шайсса бур апатIру.

Республикалул каялувчинал бувсунни гъашину бившуну бушиву му захIматсса тагъарданун экспертгъурал къимат, МВД-лул ва МЧС-рал ххуллул мюхчаншиврул каялувчигу гьурттуву.

«Яла гъансса шиннардий байбишинну Дарбантуллал, МахIачкъалаллал ва Хасавюртуллал лагмасса ххулурду буллай. Вай ххулурду дузал бантIиссар

конкурс буллай бушиву тиккун занансса автобус батIул баву мурадрай. Мунал тIимунийну, транспорт хIадур даврицIал архIал аэропорттай дулантIий бур аьркинсса инфраструктурагу.

Мунияр ххишалагу, цIанасса ппурттуву дуллай бусса бур Р-217 федерал трассалул реконструкциягу. Ххуллу бакъин баврияр ххишала дулантIий бур ххуллул чIарахсса инфраструктурагу.

Сергей Меликовлул жавабру дуллунни цаймигу суллахъхъун.

**ХIадур бувссар
ХI. АЬДИЛОВЛУЛ**

Январьданул 20-ний Дагъусттаннал ХIукуматрал Председатель Аьбдулмуслим Аьбдулмуслимов увкIунни Дагъусттаннал паччахIлугърал техникийсса университетравун. Мунашал архIал бивзунни вице-премьер Муслим Телякавов, вице-премьер Нариман АьбдулмутIалибов, ДР-лул дуккаврил ва элмулул министр ЯхIия Бучаев, Минцифралул каялувчи Юрий ХIамзатов, строительствалул ва ЖКХ-лул министрнал буржру бартбигълагъима Александр Нестеров, Минсельхозрал, Минпромторгтрал, Минмелиоводхозрал, Къюмай тIутIул комитетрал каялувчитал ва цаймигу.

Аьбдулмуслимов хъунаавкъунни вузрал зузалтращал

ХIукуматрал делегация хъунаавкъунни ректорнал буржру бартбигълагъима Назим Баламирзоевлул, мунал къамаллуран ккаккан бунни университетрал элмурдал центрду ва бигъалагайсса кIанттурду.

БакIрай делегация бивунни Ттизаманнул информациярттал центрданний, микку ми кIул хъунни хъьичIуннайшивурттал выставкалушал. Аьбдулмуслим Аьбдулмуслимовлул ккаккан дунни ДГТУ-рал студентгъурал дуккан дуресса цIушиннарду. Уни-

верситетрал элмулул ва инновациярттал давурттал проректор ХIамид Ирзаевлул тIимунийну, вуз хIадурну бур промышленностьрал идарарттаясса заявкарду къамул дуллан.

Яла Аьбдулмуслим Аьбдулмуслимов ва ванащал архIал бивзми бивкIунни конференц-залданувун, шикку дунни хIасиллу ва вузрал хъьичIунни зузалтран дуллунни паччахIлугърал наградартту.

**ХIадур бувссар
ХI. АЬДИЛОВЛУЛ**

Щавурду дирминнахасса аякъа

Хасъсса аьралий операциялий щавурду диресса Дагъусттанна райондалийсса «Весна» тIисса мушакъатминнансса бигъалагай базалий реабилитациялий.

Зулайхат ТАХАКЪАЕВА

Идаралул директор Аьли Мусаевлул бусаврийн бивну, базалий хIасул дурну дусса дур мукуминнан къулайсса хIаллихшиннарду.

«ЦIанакул дур кIи, хъьирийн гъан хъанай бакъар, амма гъавалийн уккан, аьркинсса процедурарду бан бюхълай бур. Мукума, мушакъатминнал медициналул дузалшинна дан жу овъчайсар цайми идарарттай зузисса медсестрахъайнгу. Му бакъассагу, щавурду диресса аьралитал хасъсса транспорттай буцлантIиссар экскурсиярттай», – бивчIин бунни Мусаевлул.

Ванал кIицI лавгунни ца сезондалий хасъсса бигъалагай базалий реабилитация дан къамул ан бюхъан тIий бушиву 500-нийн ивсса инсан (ца курс ацIва гъантлийсса хIасав бивну).

ДакIнийн бутанну, ттигъанну «Весна» бигъалагай базалул ялтту уккан лавгун ур Республикалул

БакIчи Сергей Меликов. Къарабудахкантуллал райондалул мушакъатминнал ккурандалун Республикалул БакIчи цацIана учIаннинма пикри хъуну бусса бур хасъсса аьралий операциялий щавурду диресса, ка-ччан дагъсса аьралитал цацIава къамул буллан. Итникъини шикку къамул увну уса ур цалчинсса ххоя инсан. Къарабудахкантуллал мушакъатминнал ккурандалул вай хъунаавкъуну бур хъуннасса шадлулгърай. База ккаккан бивну махъ ккаккан дурну дур цала хIадур дуресса концерт.

Хасъсса аьралий операция нанисса кIанттай февраль зуруя шийнай ивкIсса лейтенант Наби Койчакаев увкIун ур ччаннайн щаву дирну. Ванал бивхIуну бур мукъва операция, багълай бусса бур ттигу тамансса операцияртту бан. «ТIайламур бусан, къакIулссия жучIава, Дагъусттаннай, укун ххаллиссса база бивкIшиву. Барчаллагъ хъуннав ва база сакин бивминнан ва жуйн реабилитация дан овькумин-

най», – тIий ур Койчакаев.

Мариупольлай щаву диресса Буйнакскаллал 136-мур мотострелковый бригадалул разведчик Темирлан Абакаров дачи шинал лажиндарай хъин хъанай ивкIун ур билаятрал личIи-личIисса госпиталлай, бювхъуну бур ччан сахла бан.

«Шикку ттун гъарзатрай дакI даркъунни. Гъинттул кулпатращал учIан дакIний ура», – тIий ур аьраличу.

Багъауттин Аьлиевлул тIурча, 12 операциябарчагу, кумагкъавхъуну, ччан къукъин багъну бур. Амма чумартсса зунтталчу цIанакулгу зий уса ур военкоматрай.

«ДикIайссар чIун инсантурахъ барчаллагъ учин бучIисса, дикIайссар чIун инсантурахъ барчаллагъ учин аьркинсса. ХIакъину, ва базалийн цалчин учIайхтува, ттун чIалай бур шикку мушакъатсса инсантурансса къулайшиннарду дакIнихтуну дузал дурну душиву. Шикку цинявпа куннан кув бивчIлай бур. ДакI дарцIуну ура ва хасъсса база ваниярвагу хъьичIуннай баврил ялув чаранну ттигу лякъинссар тIий, шикку бигъалаган бучIайми чIяву хъуншиврул», – тIий ур Аьлиев.

Цуссалакрал райондалия

Цуссалакрал щархъаву ттукІ лешлашаврил масъалартту

Цуминалийсса Цуссалакрал райондалул бакІчинал бигарду биттур буллалисса Сулайман Рамазановлул каялувшиврий хьунни ттукІ лешлашаврил масъалартту ва энергооборудование-лул тагъар ххал дигълагьисса совешание.

Шикку гуртту хьунни Цу-миналийсса щархъал бакІчитал, Сулакьрал участокрал Централ РЭС-рал мастер Абдулла ХІажимусаев.

КІицІ лавгунни махъсса спурттыву, дяркъу хьуну, цу-миналийсса щархъал агъали, ччя-ччяни ттукІ лешлай, авара хьуну бивкІшиву.

Шяраваллал бакІчитурая Су-

лайман Рамазановлул тІалав бунни, хасъсса пишакартурайнгу оьвкуну, щархъавусса энергооборудование-ци тагъарданий дуссарив ххал дигъин. Мукума тапшур бунни иш-бажаранчитурайн, коммерциялул ва цаймигу юридий объектирдал заллухъруннайн электроэнергия ишла баву низамрайн дуцинсса ва объектирдай мюхчаншиву дуруч-чинсса ххуллурду льякъин.



Аьралитуран ссайгъатру гъан бунни

Цуминалийсса Цуссалакрал райондалийсса ХІ. Адамовлул цІанийсса ЦуссаЧуртташиял школалул зузалтрал ва ду-клаки оьрчІал Украиннал аьрщарай нанисса хасъсса аьралий опе-рациялуву гуртту хъанахъисса аьралитуран кумагран тІайла дур-ккунни 10 посылка.

Жула аьралитуран гъилис-са янна, дукия, медикаментру ва цаймигу аьркинсса къай-къуй цаЧІун дурсса посылкарт-ту гъан дунни Каспийск шагъ-рулул хъхирил пехоталул 177-мур полкравун. Тичча вай тІайла

дуккантІиссар хасъсса аьралийн операция нанисса зоналийн.

Аьралитуран гуманитар кумаг баврил сиптачиталну бувккунни ЦуссаЧуртташиял школалул коллектив, дуклаки оьрчІру ва миннал нину-ппу.

Кулпатирттансса кумаг хІисаврай

Цуссалакрал райондалул бакІчинал бигарду биттур буллалисса Сулайман Рамазановлул тІалавшиннарайн бун-ну, Украиннал аьрщарай нанис-са хасъсса аьралий операция-луву гуртту хъанахъисса аьра-литурал кулпатирттал газрахсса коммунал хІаллихшиннардал буржру яла бивчунни, мобили-зовать бувсса аьралитурал мукъ-ва кулпатрал газрах салкъи хьуну диркІсса 150 азарда къуруш лахъангу бакІрайн лавсунни.

Вай кулпатирттан газрах арцу дулушиву тастикъ буллалисса квитанцияртту диян дан лавгунни Цуссалакрал райондалул бакІчинал цалчин-ма хъириччу Султан ХІамзатов,



Цуссалакрал шяраваллил бакІчи Сулайман Оьмаров ва экономист МухІмад Исраилов.

Мобилизовать бувминнал кулпатирттал сахара дурсса ая-

къалухлу дакІнихтунусса бар-чаллагъ баян бунни райондалул каялувчитурайн.

ХІадур бувссар
Имара САИДОВАЛ

Ккуллал райондалия

Шаэрнал савлугъран

ЧІяйнал школалий январь зурул 18-ний хьунни бюхтгүлсса шаэр Расул ХІамзатовлул 100 шинал юбилейран хас дурсса «Тгул шала оьрму ттула мукъурттивур бусса» тІисса цІанилусса мероприятие.



Имара САИДОВА

Ва сакин дурну дия ЧІяйнал магъирлугърал къатлул хьунмур Алхасова СалихІатлул.

Дунияллий цІа ларгсса шаэрнал оьрмулия ва творчествовалия бусласисса гьарта-гьарзасса ихтилатгу бунни СалихІатлул. Ванил КІицІ лав-гунни ХІамзатовлул творчество-луву агъамсса КІану бугълай бу-шиву ниттихъан, ссурравран ва душавран хас бувсса поэ-зиялул.

ЧІяйнал школалул дукла-ки оьрчІал бувккунни Расул ХІамзатовлул шеърирду, увкун-ни лакку мазрайн таржума був-са «Къурукъру», «Дагъусттан» ва цаймигу балайрду.

Ахирданий цинявнал рир-шунни магъирлугърал къат-лул зузалтрашалсса дакІний личІансса суратру.

Лак цусса миналийн бизан баврил ва Аухуллал район цІу дуккан-даврил масъалартталсса буллалисса ДР-лул ХІукуматрал Управ-лениялул хъунаману ивтсса МахІаммад-ХІажи Айдиевлул цува зузи-сса идаралул лагма-ялттусса КІанттурдай дунни субботник.

Даву субботникрая дайдирихъунни



Имара САИДОВА

Шикку гуртту хьунни Управ-лениялул коллектив ва «Дирек-ция «Новострой» ГКУ-лул зузалт. Ххуллун ва алХІаткъинирдай зу-залтрал марцІ бунни администра-циялул идаралул лагма-ялттусса КІанттурду, даххана дунни чурт-турдайсса плиткарду, ранг дунни чапарду ва м.ц.

Управлениялул хъунаманал сипталийн бувну, идаралул чурт-турдай дишин най бур цІуллу-сагъшиврул мушакъатминна-

ща лахъан бюхъайсса пандусру. Ми дишаврихъсса харжлугъ цала бакІрайн ларсунни «Экспертиза» ООО-лул каялувчитурал.

– Ххал бара, цуксса тІааьнну бурув идаралул лагма-ялттусса КІанттурду, марцІ бувну, низам-райн бувцуну махъ. Хъунмасса барчаллагъ давривух хІала був-хсса цинявпагу коллегахъан. КІицІ лаганну, архІал зий, суб-ботникру дуллаи коллективрал дянивсса наХІу-хІалимшиву хьин-нура цІакъ шайшиву, – увкунни МахІаммад-ХІажи Айдиевлул.

Лавайсса даража чІалачІи бунни

Ноябрь зурул ахирданий НКъазаннал федерал уни-верситетраву хъусса Дуниялул халкъуннал дянивсса студент-турал ва аспиранттурал эл-мулул ва практикалул конвен-трай хъхъичунсса КІану бугъ-гуну бур Ухссавнил Къавказ-нал институтраву дуклакисса жула лакку оьрчІ, ХІажинал арс Айгумов Рамазанул. Ва-нил ялул институтрал директор ХІусайн МахІаммадовлул Ла-крал райондалул бакІчи Юсуп МахІаммадовлуин гъан бувну бур укунсса чагъар..

ХІурмат бусса Юсуп ХІами-дович!

Шалагу Аьрасатнал паччаХІ-лугърал юстициялул универси-тетрал биялалийсса Ухссав-нил Къавказнал институтрал хъинсса абдат дуссар студент-тал республикалул, шалагу Аьра-сатнал, дуниялул халкъуннал ла-герулийсса форумиртай, олимпиа-дарттай гуртту шайсса.

Вана жул институтрал ша-милчинмур курсирал студент, Гъумучиял шяраватусса Айгумов Рамазанул ноябрь зурул ахирда-ний Къазаннал федерал универ-ситетраву хъусса халкъуннал дя-нивсса студенттурал ва аспи-ранттурал конвентрай «Финан-совое и налоговое право» тІисса секциялий, цІакъсса муттаэту-рацал данди увкун, лавайсса да-ража чІалачІи бунни, шамилчин-мур КІану бугъунни.

Мува куциуй, Рамазанул 2-мур КІану бугъунни Ростоврай Ухссавнил Къавказнал вузирдал дянив хъусса «Актуальные пробле-мы экологического права» тІисса



ккуркки столданий.

Жул пикрилий, Рамазаннун биттур бан багъссар институ-трал каялувчитурал цайва бив-хъусса бигъа бакъасса мурад – Дагъусттаннахъсса бургаву дахха-на дансса, цайми регионал дянив жула республикалул ХІурмат ла-вай бансса, цІа ларай дансса.

Умуд бур жул студентнал хъхъичуннайишувуртта, Аьра-сатнал лавайсса дуккаврил ида-рарттал дянив дагъусттаннал КІулишиву дулаврил сий лахъ дан ванап бивхъусса захІматрах зугу къулагъас данссар, къымат би-цунссар тІисса.

ХІурматрацал институтрал
директор
ХІусайн МАХІАММАДОВ



Ччи-ччинан къабулайссар балугъралгу давран

Уттизаманнул пашмансса магъа



Ивкун ур, къаивкун ур
бусса-бакъасса билаятрай
Бахъинниб тисса, дакгу хъин-
сса, чувшивугу дусса, арулла
шинавун ивсса-къаивсса оърчІ.
Чявуну, чїрунначІа унува, бу-
ккайсса бивкун бур ганал Пуш-
киннул мусил чавахъраясса ма-
гъагу. Аъжайв изайсса ивкун ур
га магълувусса къужа-чІатІала:
хъунасса, угъарасса адамина
ххал а балугърахъ хъус, дав-
лат булакъай тїий, сси бизлай
ивкун ур ганайн. Хъиннува сси
бизлай ивкун ур къарил къия
духІлай, ганил бува увкумур бу-
ван хІадурну ушиврийнгу. Вар,
къария бика дурну, ганил ам-
рурду биттур буллан лагъ акъар-
хха, ласри!

Цува чїивисса унува, га оър-
чІал хїурмат байсса бивкун бур
хасият къянкъасса, тїуллу ас-
лансса, чувшиву дусса чивар-
кІуннахха. Мунишлухва, я тїай-
лабацїурдайн, я балугърал дуллу
хъуслийн вих акъа, адаминасса
адаминал зий, захІмат буллайри
хъус лякъайсса тїий ивкун ур.
Къинирдал ца къини, чїиругу
канаки бивну, шавай учІайхту, га-
нан цалла дада, тахлийнгу дагъ-
ну, къупа тїий аьтїий лякъуну
дур. Дадал ва чІахувшарнил их-
тилатрава оърчІан бивчІуну бур
цала мямма, цувагу, дадагу къа-
бивтун, цамур шарссаничІан,
авадансса ханумлчІан, яхъан-
лан лавшиву. Га ханумлчІан мям-
ман цїусса ххуйсса машинагума
машан лавшиву. Хъинну пи-
крирдахун агъну ур оърчІ. Хъу-
на хъуну, ганал чїарусса арцу

лякъиннин ялугълан къабучїир,
ххира мямман гагу, дадагу хъа-
мава битанссар. Цир бантїисса?
Бутгауссу Къютих кумаг бува
чин гъавиявхха, ганал «ккач-
чийх бишун чарувагу уква къа-
булай» тїун бикІай. Хъуннаба-
валгу лахъунтту биван бюхъай,
вичїивгума чїуен дан бюхъай
бурма-къяцїулнийр цІакъну,
заэвну чІалачїисса кїюла кї-
ссуртта. Цир бантїисса? Ци
барчагу бивну, дада укун цїуру-
кїурулий ритан къабучїирхха.
ЧІахувшар Гулбагъардул тїий-
кун, шаниярагу дизан ччай да-
къар дада.

Шанма гъантлий аъзав-аькъу-
валий буруккиттарайгу ивкун,
Бахъинниблун пикри хъуну бур
мусил балугърахъ миннат бу-
ван. Чїиругу чїиви кацїлуйн тап-
шур бивну, буртти ивкун оьру-
сса хлукїуйгу, авчуну ур балугъ-
ру бугъай бярничІан. БярничІан
ияйхтурив, цайва бярнил агъ-
лу хъанссархха тїий, къума лав-
гун ур оърчІ. Бярнил агълу къа-
хъявив, ххуллий хъунабавкъусса
гъангъаратїулума, «ххуллукъин!»
учин кІанай, оьрчІавусса пикри
бувчїусса кунма, энчї дувайсса
куц. Лажинни, уттива чІатІала
хъуссарив тгуя, таксса тгуна къа-
ххуй изайсса къужлул гъалмахчу
хъунтїиссарав навагу тїий шугъ-
лурдай, буруккиттарай ивкун
ур. Ччинал ччимур учача, ччи-
ма къацї хъабукканнин хъяхъу-
ва. Ххира дадачІан ичїунай ххи-
ра мямма зана хъурча, оьрчІан
ссалчІав бала къабивкун бур
яла.

– Мусил балугъ, дула, жан,
ттул ххира мямман аьркинссак-
сса хъус-ххазина, зана ува, жан,
мямма шавай, – лергъ тїун ивкун
ур оьрчІ, адаминан лергъ тїутїаву
къалайкъшиву хъамава бивтун.

– Бахъинниб, – куну бур мусил
балугърал, – ина хъинсса, ххуй-
сса оьрчІ ура, дадахасса ччаврил
ттучІан учІан увну ура, амма тту-
ща вин ччимур бан къахъунссар,
ххазиной. ЯхІ ба, къянкъа да, хъус-
лих инагу, вилла дадагу дархху-
сса вил мямма тава-тагу пашман
хъунтїиссар. ЧІальаьрдаву дав-
раннай мяммагу цува итича, насу,
мусий, ина вилва чїирунначІан.
Чїируннай ятту хъунтїиссар, ят-
тия ппал, нис, дикІ дучІантїиссар,
захІмат ххираманан дуниял къа-
духлагайссар.

– Туну, ина ттун цичІар къа-
дулуннав, мямма зана итан кумаг
къабаннав? – аьтїун ивкун ур
къашилий оьрчІ.

– Насу, ххирама, шавай. Вия
на цичІардагу ххира къадавияв,
амма учІаькъасса адаминан хъус
дулар, хъхьиривура аьян ритав-
вияв. Арцул, хъуслил адамина
адамина къаувайссарча, араму-
равух шякїа-изаврилли увайсса.
Мяммал тїулгу вин дарсун хъу-
ва, ххирай. Насу вилва тяхъасса
чїирунначІан, – увкуну бур ба-
лугърал.

Тартїисса тІакълух макъгу
лихълай, шавай нанисса оьрчІах
утти гъангъаратїи цїимийий бу-
рувгун бур. Битїикъукълугу, га-
нал уссайн ланцїгу куну, пар-
галну къутта дурну дур. Бургїил
тїимугу оьрчІал ттуршай тїуркїу
тїун диркун дур.

МаркІачІанай оьрчІ шавай
учІайхту, ваначІан хъуннабава
ххярххун дур:

– Ина шадну урахха, бар-
ххуй, – тїий.

– Ци чиви? Утти, туну, ба-
лугъиртангума аькълу лав-
хъуну бур.

Ва оьрчІ хІакъину къакру
тїий урхха, кїиринувагу акъарив
ккаккан, ганал нентгабакїрайн
тїюнгану ка лаян дурну дур
зат къабувчІлачїисса хъуннаба-
валгу...

Ва магъагу зухъ
бувъссар «ЧимучІалттул»
бавал
Патїмат РАМАЗАНОВА



Ци-цигу караматру

Бусанна, оьрчїрув, зухъ
Хавар ххарисса:
Цїусса шин барча дан,
Дакїгу кїидачїин,
Заннайн шукрурича,
Зувагу бусса.

Ва жула заманнай
Дурхха ци-цигу –
Хїикмат-караматру,
Ссїхїрду буллай,
Заннайн шукрурича,
Мирагу дусса.
Лакъхъу ттун кквккунни
Папаоьрватїи,
Вуй, лижардай бигълай,
Хъун бярнил ккурккай.
Зу вих бакъахъурча,
Ттурлу дукканнав!

Ялагу кквккунни
Ца гъангъаратїи,
Цикї бивкун лавчїуну
Къюршалттуцїунгу,
Чаналий зунттуя
Бивгуну найсса.

Жул кїяла къяцамур,
Ванакъай ссигъа!

Цїяту марххала
Бичлай, зий бия!
Судрахъхъун булара
Щїлмахъ лякъирча.

Ялагу ххал хъуна
Ттун битїикъукъри,
Марххалтанул гуржай
Буклай, бялахълай.
Ца гуржи ттул иттав
Щїуния, хъинав?

ЧІаваоьлгу бия,
Магъгу палцїа тїий,
КъитІахъал махІлалий
Микїирай бигълай.
Гъай-аман, махъччаннай
Микїирай бигълай.

Аман, зун ккаккан бан,
Ца чїиви кїулу,
Хъункїиссаксса ёлка
Мукъах бившун най:
Цукъувун ливхъуна,
Ттун булайссияв!

Чїиту – дачїу ришлай,
Къаз – къїессу буллай,
Ил-аьлам бавтїуну
Кїинтїил байрамрайн...
Гъай-аман, хІаз ласлай
Нагу буссияв!

Патїмат РАМАЗАНОВА

Цуша

Марххалттанил ганзсса
Мкъатлил къапу бувсса кун-
ма нуххуву кїинттул паракъатну
шанан бикїайссар цухъри. Амма
цухърал шану личїлулссар: цу-
кунсса бунугу чїу хъуннихха,
гассят нуххува буккайссар цухъ-
ри. Кїинттул цухърал шаттир-
дах луглагову нахІакъдансса да-
вур, циван чирча, цухъри мар-
ххала биваннинма нуххувун ла-
къин бюхъайссар. Марххала бив-
ну махъ лакїирча, шаттирдайну
цухълул нух лякъинтїий дакъа-
рив. Мїайжанссар, бюхъайссар
бакїрайн багъан цуша-шатун.
Вай кїинттулгу рахІатшиву къа-
кїулсса, вацїравух буклан ччисса
цухърир. Цуша-шатун я нуххува-



ту буккан бувсса цушар, ягу ди-
ялсса аьгъушиву чурххай салкъи
къадурмурди. Ми нажагъ бакъа
бакїрайн къабагъайссар.

С. Покровскийл чивчумунийн
бувну «Тїабиаьтрах ччаву
дуну» («С любовью к при-
роде») тїисса Бронислава
Запартовичлул ва Людмила
Соловьевал луттирова

ХІадур бувссар
Патїмат РАМАЗАНОВА

Жул интервью

Жула тележурналист Оьмар аьрай

Залму АБДУРАХИМАНОВА

Ца шинал хьхьичи ттул бакI-равунмагу кьабуханссия, Оьмардух дьавилия цухху-бусу булла-ласса интервью дан бюхьайхха тIисса пикривагу. Ччимур тема дакIиний дагьанссия, так – кьадьвилулмур.

Шиккува буккултрангу дакI-нийн бутанну, ванащалсса цалчинмур хьунабакьавугу жул хьуну диркIшиву цаппара шиннар-дил хьхьичи, Оьмар, Арктика-лийнсса командировкалия зана хьуну, интервью дан увкIсса чIумал. Гана га аьрххи сававнуя миллатрал казитгу, «Илчилул» логотипрашалсса ттугьгу жула билаятрал яла бьавкьусса, микI-марххалтанухь ясирнувацца Ух-савнийнгу бивну, тиха ссалам-рацал зана хьуну бивкIсса. Гания мукьах-я, жул коллективрал Оьмардушалсса дусшиврул арардугу цIакь хьуну, давриву бикIу, укунма бикIу, вихшаласса дахIаву сакин хьуну, дустал хьусса. Битайссияв яла жу дьавилиясса Оьмардул репортажиртгал паракьатну? Ваца чIивима уссу дьавилий усса кунма, ганал репортажиртгалу, социал сетирдалгу хьирив бавцIунуру бивкIсса.

Уттигьанну, ЦIусса шин хьуна-дакьин хьхьичи гьантрай, Оьмар Донецкалия зана хьунни шамил-чинмур командировкалия. «Жу-щал хьунаакьинссагу чIун лякьинсарив? – куну цIувххукун: «Илчилунсса» чIун на лякьай-ссар», – куну, редакциялийн хьамалу увкIунни.

- Оьмар, ххариру цIунилгу вишал хьунабакьин! Цук-сса хIайпнугу, суаллу дьавилияссар бикIантIисса. Ларгмур шин вил сайки шалла Донбассрай ларгнуккар. Ци асардашал, ци пикридашал зана хьун багьайва гьарца базилух?

– Дьавилиясса асарду, гьарца-гу инсаннал кунма, кIулшилуса лаласун захIматсса бикIайсса бивкIун бур. Ттул давриву дьавилуцIун бавкIусса цалчинсса опыт хьуссия 2008 шинал, Гуржия-ял ва Абхазнал дянивсса ишир-ттая махь, Цхинваллайсса репортажирдая. Тай иширтгалу, цIана Украиннаву хьанахьими ишир-тталгу дянив хьуннасса тапа-ватшиву дур. «Авторгал» гайва гай бунугу, ва дур хьинну обсса, чIярусса шиннардий хIадур хьанай бивкIсса, агьалинал психоло-гиялушал зий чIунгу, чIярусса арчугу харж дурсса жула мутта-этурашалсса бунияласса данди бацIаву.

Ттул даврил цалчинсса аьрххи хьуссия Мариупольлайин, кьиз-гьинсса дьавилул ишру чансса лагьмак хьусса март-апрель зур-дардий. КIилчинмур аьрххигу хьуна гьинттул июнь-июльданний ва утти, махь, шамилчинмур аьр-ххилий, шалва декабрь барз лав-гунни Донецкалий. Шаннагу ко-мандировкалия шавай нанисса чIумал, зурул мутгалий тикку итталун дагьсса цимурца: агьали-нал кьовурду, бивкIурду, ппив-хив хьусса кьатри, ччувчусса кичииртту, пIякь кьавукуну, ххул-луд дязаннив ливчIсса Украиннал

ЦIана Украиннаву нанисса хьусса дьавилул операциялу-вух гьурттусса гьарма жува ккалли ан лайкьсар виричу-нан. Аьралитал бакьассагу, тикку паракьатсса оьрмулуд низам дихьлай буссар шалва билаятрал региона цала хушрай бивкIсса хIакинтал, учительтал ва волонтертал. Яла-яла, аьралитурарай личи бакьа, оьрмулун хьуннасса нигьачишивугу дунура, тикку хьанахьисса иширттая гьарца кьини жухьва буслай зий буссар во-енкортал, тележурналистгал ва операторгал. Вайннавух уссар чIявучин кIулсса жула лакку оьрчи, НТВ-лул тележурналист Оьмар МахIаммадов ва ванал оператор Рабадан БахIаммадовгу.



Оьмар МахIаммадов ва Рабадан БахIаммадов

Донбассрай талати-сса жула Дагьусттаннал ва Ккавказуллал жа-гьилтурал дянив, цан-найн ца цIарду кьаву-куну, гьарца ишираву «уссу» тIисса махь иш-лану бия.

аьралуннал бомбарду – цал архIал цимурца, киноленталий кунна, итталух дуккай.

Командировкалия зана шайх-ту, хьунмацца хIарачат бан багьай тихалу дакIиний кьабагьланшив-рул, хьунмур чIун кулпатрашал, оьрчIащал, мачча-гьаннашал гьан дуллай. Гьинттул чIумал, мисал-даран, бувцуну кулпат-оьрчIругу, хьиривмур кьинива Лаккуйн лавгссияв. ЦIанамур команди-ровкалия учIайхту, гара кьини хьхьиричIан лавгссияв. Хасну-ва та дьавилул цIараву Ватанда-лукмур мякь цIунцIу тIисса, дакI гьулусан дуллалисса бивкIун бур. Вайва асарду гьарцагу жула аьр-личунал дакIиниву хIасул шай-шиврийн шак бакьар. Хьурдай Каспий хьхьирил, жула Лакку улкулл кьанкь тIий икIайссияв. Масалдаран, вайксса лакку ба-лайрдах Донбассрай дьави бай-бишин хьхьичи, Дагьусттаннай зий-занай уна, на вичи кьадир-хьухьунсар.

Ялагу ца зат кIицI банна ттун-ма хIисав хьусса. Донбассрай та-латисса жула Дагьусттаннал, Ккавказуллал жагьилтурал дя-нив, цаннайн цаннал цIарду кьа-



увкуну, гьарца ишираву «уссу» тIисса махь ишлану бия. Дияхха му мукьул мяьна тих буниялагу куртIисса ва кIусса! «Уссу» тIий ур лаккучугу, бурятгу, оьрусгу, баш-киргу, татаргу, яручугу, аьсатIин, чачан ва гайми цинья миллатир-ттаясса жагьилталгу. Тикку жула билаятрайсса миллатиртгал дя-нивсса дусшиврул арарду ва гьа-ну цIу лагIагисса кунмацца асар-ттуву загьир хьунни.

- Цукун бивзри вин тик-кусса халкь ва тайннал хIал?

– Жул дянивсса ихтилатир-ттайн бувну, тай жухва ялугьлай бивкIун бия 2014 шиная шихун-май. ЧIявуссаннал тикрал бай-ва: «Кьиримрарай махь Аьрасат жула хьиривгу бучIаннин ялугь-лай буссияв», – куну. Мьяжан-нугу, умудрай бивкIун бур. Дон-бассрай чIявусса хьунабакьай-



МахIатталсса иш яла-гу ци бия учирча, кIицI бавияв Аьрасат-нава нанисса кумаг-рацалсса хIат-хIисав дакьасса хьуни маши-нартал эшелонну дия куну.

ва, хаснува хьунмур никирая-сса, жу Дагьусттаннаясса буши-ву кIул хьувкун, Совет заманнай пулансса дагьусттанлувнашал зий бикIайссияв, чачIу аьралий кьуллугьрай бикIайссияв тIисса. Дьави байбишин хьхьичи Ма-

цукунсса давуртту шурущи дурну буссарив буслансса. Масалдаран, интту жула канихьхьун лавь-сса Мариупольлай хIакьинусса кьини бувну бацIан бувну бур чIярузивруду дусса ххаллилсса 9 кьатта. Миву буза-кьузагу бивхьуну, уттизаманнул техникагу дир-хьуну, магьи дакьа ливчIсса агьа-линахьхьун хIакьину-гьунттий кIулли дулун хIадур хьанай бур. Цу буккан буллай бур лека-пIякь хьусса школартту, детса-дру, азарханарду ва поликлини-картту. Донецкалий тIурча, дур-рар ттигу укунсса давуртту шу-рущи дан. Тикку паракьатшиву дакьар цалсса. Ххансар украин-нал кьачагьтурал, оьван кунма, тай кьари-кьужри яхьанахьисса кьатравун, кIичииртгавун бомбар-ду бичлачисса.

- Оьмар, ина, Донбасс-рай дьави байбишин хьхьичи, МахIакьыла-лив оьрчIал азарханалий чирилул акциярду шуру-щи дурну икIайвав. Со-циал сетирдаву ххал хьу-на тихгу мукунссара ак-циярду дуллай. Буси, ци савав хьуна вила агьам-мур даврицIун мигу шу-рущи дан?

– Цал, ттулла репортаж дуллай унува, итталун багьуна хIачIансса циналхьирив кьокькулуй бавIусса кьари-кьужри. На му иширая тту-ла социал сетьраву бувьссия. Москвалиясса ца душил чив-чуна: «Оьмар, ттунгу кумаг бан чай бур ми халкьуннанча, ттул цIания ци-бунугу ца хьинбала бува миннан», – тIисса тавакью. Мунил гьан дурна 5 азарда кьу-руш. Ми арцух ларсун, жу хIачIай шин диян дурссия бугьарасса инсантурацIан ва бувьссия муни-яту социал сетьраву. Яларив бай-бивхьуна мува журадул тавакьюр-ду. ХIасил, датIин бювхьуна 80 азардаксса кьуруш арцул. Мин-нух жуша дуки-хIачIия, аьркин-са цаймигу хьуслил 7,5 тонна ла-сун бювхьуна.

МахIатталсса иш ялагу ци бия учирча, кIицI бавияв Аьрасатна-ва нанисса кумаграцалсса хIат-хIисав дакьасса хьуни машина-рттал эшелонну дия куну. Гьанми регионал бакьассагу, кумагра-цалсса машинартту най бия би-лаятрал яла архсса Сахалиннал, Приморскалал, Хабаровскал-лал регионалгума. МахIаттал увну ивкIра мува куццуй, бивхьу-





Оьмардул «Илчилул» ттугъ бившуссар Ухссавнил полюсрай. 2019 ш.

Жула тележурналист Оьмар аьрай

→ сса харж бакъанма, цала хушрай тиккусса агъалинан кумаг бан нанисса личи-личисса шагъурда-ясса волонтертуралгу. Вай укун-сса ишру хисав хъанай, дакIниву цирив ца пахругума бия загъир хъанай.

Нину душнийх ках тий, душ ниттил макъ лихълахъийни, лагмаци-ри арамура иттавгу макъ дуркIун дия.

- Инава зузисаксса хIалай цайми билайтир-тгаясса журналистталгу хъунабавкъусса ишру хъу-рив тикку?

– Жунма бувчIлачIисса кущуй, дунияллийх машгъурсса хъуни телекомпанияртгал журналисттурахъ тиккусса ишир-ттая булансса ихтияр дакъану-гу, чансса бакъая тикку хъана-хъимунил хъирив бувксса, май-жаннугу хIакъмур кIул булла-лисса, чIявучин кIулсса блогер-тал. Блогертал хъунмурчин бия Европанавасса ва Азиянава-сса. Германнавацца блогерна-щал на навагу лавгссияв Мариу-польлай. Гъарца хъунаавкъу-нахъ цухху-бусу буллаи, тайннал бакIрачIан бувкIмуния чичлай, хъирив лаллай икIайва. Цанма къакIулсса, цаятува къюлтI булла-лисса чIявусса затру аьч хъушив-рия кIицI булан икIайва.

- Шаннагу командирова-калия ца яла хъинну дакI-нийн асар хъусса иши-раягу бусаннав?

– Социал сетъру савану хъу-сса ца иширая бусанна. Санкт-Петербурглив ялапар хъанахъи-сса ттул подписчицал гъинттул ттучIан чивчуну, цил нину ду-ссарча Мариупольлай, та лякъин бюхъансарив тий. Лякъинмур банна куссия, амма щала вихну акъассияв, цанчирча дяьви на-нисса шагъурдувун ухансса их-тияр аьралуннацца ласун къаби-

гъану тий. ХIасил, цукуннугу шагъурдувун буххансса сававгу ляркъуну, та бугъарасса хъами-тайпагу подвалдануву ляркъуну, щябивтун машиналийгу, гужсса битугу-ххигулува буккан бувну, душ ялугълагъисса Донецкалийн биян бан бювхъуна. Душ бия щила ма-шиналий Петербурглия ниттил хъирив бувкIун. Ми цаннийн ца хъямала багъну, нину душнийх ках тий, душнил ниттил иттатус-са макъ лихълахъийни, жул, лагма бавтIцирив арамура, иттатугу макъ най дия.

- Оьмар, буси вила дав-рил коллегая, вил репор-тажиртгал ца хъар цай-нагу ларсун нанисса опе-раторнаягу.

– Рабадан ттул дусгу, даври-ву акъа чара бакъасса коллега-гур. Ва цувагу жула чIаххуврайсса Ахъушийл райондалиясса ур. Жу кIиягу архIал зий байбивхъуссару «Дагъусттан» ГТРК-лий. Рабадан цувагу телевизионщиктурал ди-настиялул вакил хъанай ур. Ванал ппугу, буттал ппугу зий бивкIун бур личи-личисса шиннардий Дагъусттаннал телевидениялий. Рабаданнул даврил устгаршиву ва жаваблывшиву ссаву дур учир-ча, кIицI бавияв жу, сюжетту лав-сун, на ттула ихтилатту чивчуну махъ, га дунийра монтажу дур-ну, хIадурсса материал тIайла дуккайшиву Москвавил. Жюяр махъ шихъчIав ихтияр дакъассар га даххана дансса, ягу кутIа-лахъи дансса. Вагу жул даврил принци-ри. ХIасил, Донбассрайнсса жул аьрххирдугу жула хушрайссар. Жухъ бакIрайра дуссия ихтияр ти-хун къагъангу, жу тIурча, цаннайн цакса вихшалдарал щакъшиврул, пикри бувссия жула журналист-туралмур бурж биттур бан.

- Барчаллагъ, Оьмар! Утими зулва аьрххирдай, ххувшавугу ларсун, агъул-данул паракъатшивруцIун дархIусса репортажу дуллаи ккакканнав. Чун гъарчагу, дакIру ххари-ну зана хъуннав зула-зула нитти-буттачIан ва кул-патирттачIан.

Жула виртгал

ЯтIул цIарал зоналува увагу къауккайсса хIакин



МахIаммад пандемиялул ппурттуву Москвавуллал 67-мур азарханалий, «ятIул зоналий»



Юсуп МахIаммадов, Явсупи ХIамзаев, Руслан Башаев, МахIаммадлул кулпат Аминат ва арсру Мутай ва ЩайхахIмад

→ Ахир. Дайдихъу 1 лаж

МахIаммадлул Барчал-лагърал чагъардуваналарс-ваврал Мутайл ва ЩайхахIмадлул кIунттихъун буллаи, Юсуп Ма-хIаммадовлул кIицI лавгунни вайннал буттал жард къаувку-ну буллалисса захIматрахлу ва чIявусса инсантурал оьрмурду ххассал буллаи ушиврухлу хIалал дурсса наградаартту душиву.

– Зуца бюхъайссар зула бут-тая пахру бан. Та хIакъинугу, цалвамур оьрмулий хIайп къаку-ну, ххассал буллаи ур хасъсса аь-ралий операциялий шавурду дир-сса жула аьралитурал оьрмурду, – увкунни Юсуп МахIаммадовлул.

ХIакинналкулпатращал бувсса кутIасса ихтилатрава бувчIунни МахIаммадлул захIматрал ххул-лу чачун нигъачIисса кIанттурдай най бушиву. Нину ва кулпат лергъ тий бунува, ацIан ан къабювхъу-ну, лавгун ур: «Тийх талатисса аьралиталгу, тайннал оьрмурду ххассал буллалисса хIакинталгу, на кунма, кулпатру ва оьрчIру къабивтунни лавгсса», – тий.

МахIаммад увну ур 1985 шинал Буйнакск шагърулий Кахибуллал шяраватусса МахIаммадрасуллул ва Чапаевкалал шяраватусса Сахибатлул кулпатраву. Ца акъа-акъасса арс ухъурчагу, МахIаммад хъуна хъуну ур цими бусса, цаман-нал цIаний жан дулун махъаллил акъасса чув-адамину.

– МахIаммад чIивинияцава ттул кумагчигу, къатлул ттарцIгу, маслихатчигу. Ххюра шинаву буккин, чичин лавхъуна. Шко-лагу, институту марIисса ххювар-

дай къуртал бувна. Жяматийсса оьрмулува чIашисса гурттушин-на дуллаи ия. Цала кумаг аьркин-сса кланттай цIаравун ххяххангу махъаллил къашайсса ттула ар-нал хасият кIулну дунура, гъак-сса хIарачат бувссия гъан къаи-тан, лакъавгун ацIан ан шайсси-яв! – тий дур нину.

Хасъсса аьралий операция нанисса кIанттурдайми связърай бакъа нюжмаруксса гъантри ла-глай бухъурчагу, диривуна ттухъ-хъун МахIаммадлул кутIасса гьалгъа бансса сант. Вана му их-тилатравасса парча:

– Школа къуртал буллалисса чIумал пиша язи бугъаврил ялув ттул къабагуна пикри бул-лан. ЧIивинияца ттул ххирая ка-кумаграх мюхтажминнал чIарав ацIаван, ттушава бан шаймур ба-ван. Мунияту дуклан увхссияв Дагъусттаннал паччахIлугърал ме-дициналул академиялулун. Дуклай уни, ттул чIявусса баййва ттула ва-танлув, хирург МахIаммад Паху-таевичлуя. Щанакул му зий уссар МВД-лул медсанчастьрал каялув-чину. Дуккаву къуртал дурну махъ ттул тIайлабацIу хъуна ряхра ши-нал мутгаллий мунащал МВД-лул госпитальданий зун. Хирургнал даву гиккур ттул канилух дурксса.

Республикалий тагъар захI-матсса дия, органнал зузалт оьрмурдаца бан къаст лархIусса ишру чIявуну хъанай бия. Ттулгу таманссаннал оьрмурду ххассал бан багъайва.

Яла на хIукму бувссия граж-дан медициналувугу вардиш хъун. Зун лавгссияв Лакрал рай-ондалул азарханалий Гъумукун.

Кийгу за кIулсса хIакин-хирург АьвдурахIин Дибировичлул, цан хъунмасса барчаллагъ хъуннав, каялувшиндарай ттул даву хъин-нура канилух дурккуна.

Цакуну ялун бивуна коронави-русрал щатIи. Хасъсса отделениегу тIиртIуну, жу му цIуцIаврийн дан-ди бавцIуссияв. Биялсса къашай-шалт хъин бувссия, так ца Лакрал райондалия бакъассагу, лагмасса районнаягу букIлай бия. Яла ттул изан багъуна Москвавил. Тихгу шагърулул 67-мур азарханалий зий уссияв «ятIул зоналий». Багъа би-щун къашайсса даврил оьпыт хъу-ни Москвавуллал хIакинтураягу.

Хасъсса аьралий операция бай-бивхъукун, тих жула дагъусттан, кавказ оьрчIру, жард къакуну, бивкIулийн лажинну бавцIусса чIумал, ттул ламус хъанай бия чу-лий ацIан, аьралий хирургнал дав-рил бюхъугу бияхъур. МВД-лул госпитальданий салкъи хъусса тту-ла хирургнал оьпыт бучIи лякъин-сархха тIисса пикрилий, ттула би-ялаллий нава лавгра военкоматрайн. Шихун увкIра сентябрь зуруй. ДакIний ура хасъсса аьралий опе-рация къуртал хъунца ацIан.

Зий ура Хъхъирил пехоталул медициналул взводу (мунил полк цуппагу буссар Каспийск шагърулий).

Медициналул взвод лагайссар талатаву къызгъинсса кIанттурдайн, шавурду дирсса жула талаталт тич-ча буккан булан. НигъачIаву да-къасса кIанттайн уккан увну, тикку-ва операция бангу багъай чIявуну. Цалчинсса кумаг бувну махъ гъан-сса госпитальданийн иян увайссар. Гъай-гъай, биъгану бакъар. Амма нагу, цаманалгу къабарча, щилли вай ххассал бантIисса?

Ттигъанну ттул дуллунни паччахIлугърал ларайсса награда «За спасение погибавших». Ванил-гу на гихунай хъиннува буржлул ул-лалиссара. Ва яла бюхттулмур на-градагу, къиматтур хIакиннал дав-рин бившусса. Наградадул ца дур-цихлура цурда гьалгъа тIисса.

Жул даврил агъаммур мурад шаву дирнан бюхъайссаксса ана-варну цалчинсса кумаг баву хъа-най бухъурчагу, жу ялув бавцIуну буссару жула талаталтрал цIуллу-сагъшиврул. Укуннагу чан къа-шайсса цIуцIавуртту, къашайши-вурттугу хIакиннал янилу дургъу-ну буссару.

Иш мукун багъунни, на даин кулпатрая архну ура. Нину хажала-трай дур, на ганил увагу усса ца арс ура. Арсаврангу ппу чIарав аьр-кинни. Амма ттул кумаграх мюх-тажну чIявусса инсантал бур.

Ттул награда дулун район-далул бакIчи ва мунащал мил-латрал хъхъичIунсса инсантал бучIаврилгу бусласиссар ттул кулпат къулагъас дакъа къаби-тантIишиву.



ИТНИ, 30 ЯНВАРЬ

05.00 «Доброе утро».
09.00 Новости.
09.20 «АнтиФейк». (16+).
09.55 «Жить здорово!» (16+).
10.45 «Информационный канал». (16+).

жизни». (18+).
01.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

ТАЛАТ, 31 ЯНВАРЬ

05.00 «Доброе утро».
09.00 Новости.
09.20 «АнтиФейк». (16+).
09.55 «Жить здорово!» (16+).
10.45 «Информационный канал». (16+).

жизни». (18+).
01.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

АРВАХИ, 1 ФЕВРАЛЬ

05.00 «Доброе утро».
09.00 Новости.
09.20 «АнтиФейк». (16+).
09.55 «Жить здорово!» (16+).
10.45 «Информационный канал». (16+).

жизни». (18+).
01.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

ХАМИС, 2 ФЕВРАЛЬ

05.00 «Доброе утро».
09.00 Новости.
09.20 «АнтиФейк». (16+).
09.55 «Жить здорово!» (16+).
10.45 «Информационный канал». (16+).

жизни». (18+).
01.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

НЮЖМАР, 3 ФЕВРАЛЬ

05.00 «Доброе утро».
09.00 Новости.
09.20 «АнтиФейк». (16+).
09.55 «Жить здорово!» (16+).
10.45 «Информационный канал». (16+).

из многих. (12+).
00.20 «Подкаст.Лаб». (16+).

ХХУЛУН, 4 ФЕВРАЛЬ

06.00 «Доброе утро». Суббота.
(12+).
09.00 «Умники и умницы». (12+).
09.45 «Слово пастыря».
10.00 Новости.
10.15 Х/ф «Самогонщики». (12+).

кросс». (12+).
21.00 «Время».
21.35 «Ледниковый период».
00.15 «Подкаст.Лаб». (16+).

АЛХИАТ, 5 ФЕВРАЛЬ

06.00 Новости.
06.10 «Как Иван Васильевич менял профессию». (12+).
07.00 «Играй, гармонь любимая!» (12+).

РОССИЯ 1

ИТНИ, 30 ЯНВАРЬ

05.00 «Утро России».
07.35-07.41 Местное время. Вести-Дагестан
08.07-08.10 Местное время. Вести-Дагестан
08.35-08.41 Местное время. Вести-Дагестан

стень в телесериале «Личное дело». [12+]

ТАЛАТ, 31 ЯНВАРЬ

05.00 «Утро России».
07.35-07.41 Местное время. Вести-Дагестан
08.07-08.10 Местное время. Вести-Дагестан
08.35-08.41 Местное время. Вести-Дагестан

стень в телесериале «Личное дело». [12+]

АРВАХИ, 1 ФЕВРАЛЬ

05.00 «Утро России».
07.35-07.41 Местное время. Вести-Дагестан
08.07-08.10 Местное время. Вести-Дагестан
08.35-08.41 Местное время. Вести-Дагестан

стень в телесериале «Личное дело». [12+]

ХАМИС, 2 ФЕВРАЛЬ

05.00 «Утро России».
07.35-07.41 Местное время. Вести-Дагестан
08.07-08.10 Местное время. Вести-Дагестан
08.35-08.41 Местное время. Вести-Дагестан

стень в телесериале «Личное дело». [12+]

НЮЖМАР, 3 ФЕВРАЛЬ

05.00 «Утро России».
07.35-07.41 Местное время. Вести-Дагестан
08.07-08.10 Местное время. Вести-Дагестан
08.35-08.41 Местное время. Вести-Дагестан

стень в телесериале «Личное дело». [12+]

ХХУЛУН, 4 ФЕВРАЛЬ

05.00 «Утро России».
08.00 Местное время. Вести-Дагестан
08.20 МЕСТНОЕ ВРЕМЯ. СУББОТА.

стень в телесериале «Личное дело». [12+]

АЛХИАТ, 5 ФЕВРАЛЬ

06.15 Анна Леванова, Матвей Зубаев, Артём Крылов, Сергей Губанов, Валдим Андреев, Екатерина Травова и Юлия Юрченко в фильме «Однажды и навсегда». [16+]



ИТНИ, 30 ЯНВАРЬ

07.00 Время новостей Дагестана. Итоги
08.00 «Королева спорта» 0+
08.10 Х/ф «Молодая жена». 12+
09.50 «Человек и право». 12+
11.00 Дагестанское кино. Х/ф «Тайна рукописного корана» 12+

ТАЛАТ, 31 ЯНВАРЬ

07.00 Время новостей Дагестана
07.20 Передача на табасаранском языке «Мил» 12+
08.00 «Королева спорта» 0+
08.10 Мультифильм 0+
08.30 Время новостей Дагестана
08.55 Х/ф «Рано утром» 12+

08.55 Х/ф «Белые горы» 12+

11.30 Т/с «Ангел-хранитель» 15 с. 16+
12.30 Время новостей Дагестана
12.50 «Здоровье» 12+
13.45 «Память поколений» 12+
14.20 «Дагестанский календарь» 12+

11.30 Т/с «Ангел-хранитель» 15 с. 16+

12.30 Время новостей Дагестана
12.50 «Здоровье» 12+
13.45 «Память поколений» 12+
14.20 «Дагестанский календарь» 12+

07.20 Передача на аварском языке «Паланги памалти заманти» 12+

08.00 «Королева спорта» 0+
08.10 Обзор газеты «Хакыкьат» 12+
08.20 Мультифильм 0+
08.30 Время новостей Дагестана
08.55 Х/ф «Впервые замужем» 12+

07.20 Передача на аварском языке «Паланги памалти заманти» 12+

08.00 Мультифильм 0+
08.30 Время новостей Дагестана
08.55 Х/ф «Зеробой» 6+
11.30 «Мой малыш» в прямом эфире
12.05 «Время есть» 0+
12.35 Концерт Камерного оркестра им. С. Хржановского (Солисты, Мурад Абуев, Халида Абуева, Николай Дробкин) 12+

как она есть» 0+

05.45 Дагестанское кино. Д/ф «Тайна синих гор» 12+
АЛХИАТ, 5 ФЕВРАЛЬ
07.00 Время новостей Дагестана
07.20 Передача на дагестанском языке «Вахтар на инсанар» 12+



ИТНИ, 30 ЯНВАРЬ

04.50 Т/с «Пять минут тишины. Возвращение». (12+)
06.30 «Утро. Самое лучшее».
08.00 «Сегодня».
08.25 Т/с «Лесник. Своя земля». (16+).

00.00 Т/с «Красный Яр». (16+).

ТАЛАТ, 31 ЯНВАРЬ

04.50 Т/с «Пять минут тишины. Возвращение». (12+)
06.30 «Утро. Самое лучшее».
08.00 «Сегодня».
08.25 Т/с «Лесник. Своя земля». (16+).

00.00 Т/с «Красный Яр». (16+).

АРВАХИ, 1 ФЕВРАЛЬ

04.50 Т/с «Пять минут тишины. Возвращение». (12+)
06.30 «Утро. Самое лучшее».
08.00 «Сегодня».
08.25 Т/с «Медвежий угол». (16+).

00.30 Т/с «Чума». (16+).

ХАМИС, 2 ФЕВРАЛЬ

04.50 Т/с «Пять минут тишины. Возвращение». (12+)
06.30 «Утро. Самое лучшее».
08.00 «Сегодня».
08.25 Т/с «Медвежий угол». (16+).

00.45 Т/с «Чума». (16+).

НЮЖМАР, 3 ФЕВРАЛЬ

04.50 Т/с «Пять минут тишины. Возвращение». (12+)
06.30 «Утро. Самое лучшее».
08.00 «Сегодня».
08.25 Т/с «Медвежий угол». (16+).

02.10 «Квартирный вопрос».
03.05 Т/с «Демонь». (16+).

ХХУЛУН, 4 ФЕВРАЛЬ

04.55 Т/с «Стажер». (16+).
07.25 «Смотр».
08.00 «Сегодня».
08.20 «Поелом, поедим!».
09.20 «Едим дома».

23.55 «Квартирник. НТВ у Маргулиса». (16+).

АЛХИАТ, 5 ФЕВРАЛЬ

04.50 Т/с «Стажер». (16+).
06.30 «Центральное телевидение».
08.00 «Сегодня».
08.20 «У нас выигрывают!» (12+).

«Илчилул» календарь

Вай нюжмардай бувссар

Январь зурул 17-нний 1951 шинал увссар жяматийсса ишккаку, политик **АхИмад Нахаев**.

Январь зурул 26-нний 1945 шинал увссар ДР-лул транспортрал лайкь хьусса зузала, АФ-лул хурмат лавайсса автотранспортник **Рамазан Хизриев**.

Январь зурул 29-нний 1950 шинал увссар чичу, публицист, драматург **Мазайхьал Казбек**.

Барча бавуртту



Вай гьантрай оьрмулуд юбилей кИицI ларгунни **Шяьбаннул душ Юсупова Светлана**.

Светлана бур буюхь-базар бусса, гьарца даврил сант кIулсса, инсаннан кумаг бан, чIарав бацIан анавар буккайсса хьамитайпа, ххаллилсса нину. Цила ласнашал архIал, ххуйсса тарбиягу дуллуну, ччаннай бацIан буну бур ххюва оьрчI. Пенсиялийн букканнин зий бивкIун бур жаваблусса кьуллугьирттай. «Дараччи» клубрал гьану бивзния шинмай хIакьинусса кьинигу ва хьанахьиссар клубрал хIурматлусса член.

ДакIнихтуну юбилейгу барча дулла, чIа тIий буру цIуллу-цIакьшиву, ххари-хьиншивуртту. ДуллагимунуцIун Заннал кабакьиннав, оьрчIал ххари булла битаннав.

Цинявпагу ина ххирами, вил хIурмат буми

Барча дулла буру мяммал юбилей

Вай гьантрай жул хьуна мямман, Читтурдал шярвасса **Маммакьадиал арс Гьапуров Маликлун**, хьанахьиссар оьрмулуд 70 шин. Цала оьрмулий ванал ттинин бивтссар Дагьусттаннал аьршарайхсса ттуршвахьул ххуллурду – арнил кIанттайхссагу, зунттавахссагу, бивтссар гьаравухгу, марххалтанивухгу. Укунссар ванал цала язи бувгьусса пиша – ххуллурдал специалист.

Хьуна мяммашал архIал зунттаван нанисса чIумал, ванал жухь бусай ххуллурдацIун бавхIусса личИ-личИсса хIазсса хаварду, хьусса ишру. Ванан кIулссар жулла республикалул сайки циняв шярваллал, неххардил, зунттал цIарду. Ванал жухь: «Вана ва ххуллугу на бувссар», – куска чIумал, жул дакIру ххаришиврул дуцIай.

Жул мяммал буссар чIявусса дулал, гьалмахтал, даврил уртакьтал. Ванан хьинну ххирассар цала гьан-маччами, миннал чIаравгу ацIайссар. Кув чIумал жухь кьанкьану гьалгьа тIурчагу, цува хьинну дакI хьинсса уссар. Жугу хIарачат бару ванан тIаань кьабизанмур кьабан.



ЦIана жул хьуна мямма пенсиялий игьалаглай уссар. Ванал хIалал дурссар «Дагьусттан Республикалул лайкь хьусса строитель» тIисса бусравсса цIагу, цайми-цайми наградартту.

Жун хьинну ххирар жула мямма, жул муданасса насихIатчи, маслихIатчи. «Илчи» кказитрайхчин барча дангу ччай буру ванал хьуннасса юбилей. Жул ххирасса мяммай! ЧIа тIий буру вин чIярусса цIуллусса шинну, ххарисса оьрму. Ина жун мудангу аьркинссара!

Вил оьрчIал оьрчIру

Баян

«Илчилий» бишлашисса барча бавурттал текстру буссар укуннасса барча баву – 200 кь. суратрашалсса барча баву – 500 кь.

Барча уллай буру

Вай гьантрай жул аьзизсса уссин, **Мусал арс ХIасанбагов Аьлишан**, оьрмулуд 70 шин бартларгунни. Вайксса шиннардийсса оьрму ванал бувтунни уздану, инсаншиврий.

Аьлиша хьинну цала буттал шярвалугу, миллатгу ххирасса хIакьсса патриотгур. Ва ур ххаллилсса лас, ппу ва хьинсса тIатта. Ванаха чIалачIин дакьар оьрчIан ва оьрчIал оьрчIан. Ххирассар цинявпагу мачча-гьаннан, дустану, лагма-ялттунан.

Юбилейгу барча дулла, дакIнихтуну чIа тIий буру жула аьзизсса уссин цIакьсса цIуллушиву, ххари-хьиншивуртту, дуллагимуну-



ниву тIайлабацIу. ДакIнийсса мурадру бартлаганнав. ОьрчIалгу,

оьрчIал оьрчIалгу ххари уллай, оьрмулия щалихханнин итаннав.

Ина ххирасса, виха дуаьлийсса уссу Оьмар, ссурвал Ханича ва Уммукусум

Дин, иман, ислам

Ражав зуруя

Дагьусттаннал муфтиятрал баян бунни гьашину **Ражав барз байбивхьушиву январьданул 23-нний**.

«Ражав» хIасул хьуну бур «арружуб» тIисса мукь-уяту. Ва мукьул мягна «лахьа-хьун буваву» дур. Ва хьанахьиссар хIурмат лавайсса шанма зурвасса ца – Ражав, Шяьбан, Рамазан. Вай зурдардиву Аллагу Тааьланал Цала лагьартуннайн ляличИсса цими ликкан бувайссар. Ялагу, Ражав Кьурьанналуву кIицI лавгсса, дяьвирдаву ва кьалмакьаллаву гьуртту хьун кьадагьа дирхьусса зурдардивун багьмурди. Анас-асхIаблул бусун бур, Ражав барз бувкIукун, МухIаммад Идавсил (с.а.с.) укунсса дуаь дувайсса диркIшиву: «Я Аллагу, Ражав зурруй жуй барачат биша, жу Шяьбан ва Рамазан зурдардийнгу бияннингу бити». (АхIмад, ТIабарани) Аль-Бухари ва Муслим имамтурал луттирдаву бур укунсса хIадис: «Шинаву буссар 12 барз, миннувацца 4 зуруву дяьви буван кьабучИссар, миннувагу 3 куннил хьирив кувнай буссар: зиль-Кьаада, зиль-ХIижжа, МухIаррам ва ялагу барачатсса Ражав». Ванийн «Аллагнал барз» учайссар, чирирду ва неьматру чIявусса барз бунутгий. Ва бусурман агьулданун личИнува ххирасса, хьуннасса даража бусса зурдардиватусса ца бунутгий. Аллагу ялтту учIайсса барз бунутгий. Ражав зурул гьарца хьуну малаиктал, пацIун хьуну, МухIаммад Идавсил (с.а.с.) умматирттал аьпа ба тIий дуаьрду дулан бикIайссар. ХIатта ца ракат чаклил дуварчагу, азарда



Гьази-Гьумучиял Ханнал-Мизитрал минара

дурссаксса чири буссар тIий бур. Ца кьини зума дугьарча, азарда кьини дургьуссаксса чири буссар тIий бур. Щалва зуруй зума дугьарчарив, му дургьуманал даража хьинну хьунмассар, гьаттал аьзав дакьассар, гьаттаву цувалу кьаитайссар тIий бур. Ражав зурул хIурмат бурувчуну, му хьун буммагу кьиямасса кьини Аллагналу азарда караматрайну хьун увайссар тIий бур ГьунчIукьатIатусса Ибрагьимлул арнал Кьурбанаьлил «НасихIатул аьвам» луттирай.

«Му Ражав зурул хьхьичIра-хьхьичИсса хьхьугу хьинну ххирасса хьхьур. Му хьхьуну садакьа бавугу, му уттара даву хьинссар. Дуаьлукьхьун жаваб дулайсса хьхьур. Му хьхьуну ивкIуманангу даража хьунмассар. Му хьхьуну, мунил

ацIния ххоннил хьхьуну, хьхьирда-хьхьиривсса (махьра-махьсса) хьхьуну гьуслу бавугу (щинавун учIаву) хьинссар, ниттил лякьлува увксса чIумал куна бунагьрая марцI шайссар.

Му зурул хьхьичIра-хьхьичИсса нюжмар хьхьугу ххирасса хьхьур, Лайлату-ррагьаиб учайсса. Му хьхьуну эбадат даву хьинссар.

ХIасил, му Ражав зуруву чIярусса фазилартту (хьинбалартту, мюнпатру) дуссар. Муниву хьинсса аьмалу чIявусса буну хьинссар. ХIатта, Алжаннаву ца нех дуссар Ражав тIисса, накIнияр кIяласса, ницIнияр нацIусса, микIнияр дяркьусса. Ражав зуруй ца кьини зума дургьусса инсантал му неххая хIачан бантIиссар.

Муний зума дугьан кьабюхьайналу, гьарца кьини ца кIюлачатI, я цамур зад садакьалун дулаву хьинссар. Мугу кьахьурча, Аллагу чIявуну кIицI лагича.

Идавсил, саллалагу алейгьи ва саллям, увкуну бур: «Ражав зурруй садакьа бумма Аллагнал арх увайссар дуржагьаряту мукьсса архну, му архшиврул ххуллийх чIелму оьрчIний леххарча, хьунмав хьуну бивчIайни бакьа кьабиянтIисса», – ва ГьунчIукьатIандалувасса парчар.

Ва зурул 27-мур хьхьу МухIаммад Идавс (с.а.с.) ссавруннайн гьаз хьусса Мигьражрал хьхьур. Гьамин ва хьхьуну, аруллагу ссавнийн гьаз хьуну, яла цуцIав ттинин гьаз кьавхьусса лахьшиврийн гьаз хьусса. Аль-Исраь валь-Мигьраж хьанахьиссар Аллагу Тааьланал так жула Идавсин (с.а.с.) дуллусса ляличИсса хасшиву ва хIурматшиву. Мигьрайисса чIумал Идавсин (с.а.с.) ссавруннал Кяьба, Алжан, Дуржагь, Аьрш, Курс ва цаймигу чIярусса, инсаннал аькьуллуца хьирив лаян кьашайсса караматру ккаркссар.

ХIадур бувссар П. РАМАЗАНОВАЛ

Спорт

ХIамидовлул цIанийсса турнирданий

Январьданул 21-23-нний Хасавюртлив хьунни ХIамидовлул цIанийсса лачIун буккавил чIава жагьилтурал республикалул турнир. Мунил хIакьйраву буссунни ДР-лул спортрал прессалул кьуллугьрал.

Хасавюртулал ХIамидовлул цIанийсса Спортрал кьатраву 3 кьини най бия 18 шинанун бияннинсса 350 спортсменнал дьянивацца бьаст-ччал.

Миннуву цалчинми кIанттурду бувгьунни Хасулбаг Темирсултановлул (42 кило, Хасавюрт), Аьбдуссалам Пазлуттиновлул

(45 кило, Хасавюрт), МахIаммад МахIаммадовлул (48 кило, Кьаякьантулал район), МахIаммад ХIусмановлул (51 кило, Хасавюрт), АхIмад МуссахIажиевлул (55 кило, Хасавюрт), Жамалуттин Кьадиловлул (60 кило, МахIачкьала), Ислам Сяьдуллаевлул (65 кило, Хасавюрт), Исмаил ХIаниевлул (71

кило, Хасавюрт), МахIаммад Идрисовлул (80 кило, МахIачкьала), МахIаммад ХIасановлул (92 кило, МахIачкьала), Мухтар Ибрагьимовлул (110 кило, МахIачкьала).

Яла чIяруми медаллу дурхунни Хасавюртулал лачIун-буккултрал. МинначIа дур 6 мусил, 7 арцул ва 9 чарвитул медаллу. МахIачкьалалал лачIун-буккултрал ларсунни 4 арцул, 2 мусил ва 8 чарвитул медаллу.

ХIадур бувссар ХI. АЬДИЛОВЛУЛ

Цанихсса агьулданул цанихсса арс

Хиакин-отоларинголог, профессор МахИаммад Къажлаев увну 130 шин шаврин хасну

Мурад Къажлаевлул ппу МахИаммад Къажлаев увну февраль зурул 2-нний хъанхъиссар 130 шин. Агана музыкалулмур дуняллий арснал ца машгьурну духьурча, ванияр къалувну машгьурну дур медициналулмур дуняллий бутталмур цагу.

МахИаммад Къажлаевлул мархри бур шайх Жамалуттиннул тухумрая нанисса. МахИаммадлул ниттил нину Шуаьнат бивкIун бур шайх Жамалуттиннул душ. Ванил душ Рукъижат шар хъуну бивкIун бур Давуд Къажлаевлул. Давудлул ва Рукъижатлул дянив хъусса оьрчIавасса ца ур МахИаммад Къажлаев.

Увну ур МахИаммад 1893-ку шинал Гъумук. Ванал ппу Давуд Дагъустаннай ва мунил къатIув машгьурну ивкIун ур варсив ва къуттакъяпри буруххайсса устарну. Къажлаев Давуд заллусса машлул къатта бивкIун бур Бушихъавгума (Ботлих). Варсив ва къяпри цивпагу баххайсса бивкIун бур 19-мур ттуршукулий Ккавказуллал дякюрулул ккаллину бивкIсса Ттуплислив. Давудлул муксса ххуй бизайсса бивкIун бурхха ва шагь-



МахИаммад Къажлаев, Аьрали-медициналул академия бувкксса чIун. 1916 ш.



МахИаммад Къажлаевлул ттатта Юсуп-хIажи цалва арснал оьрчIащал: МахИаммадлул, Загьидинащал ва Бадавинащал. 1906 ш.

ру, ванал цалва арсурваврава-сса ца – МахИаммад, тикку гимназиялийн дуклан авкъуну ур. Дуклакиссаксса хIаллай оьрчI ялапар хъанай ивкIун ур цала буттал ссурахъичIа. Ванал цува заллусса заргалнал дуссукъатта бивкIун бур таний ца дурксса

арманинал Авлабар тIисса ба-заллуву.

МахИаммадлул 1911-ку шинал мусил медальданий къуртал бувну бур Ттуплисулал Цалчинмур гимназия. Увххун ур яла Петербурглив Аьралий-медициналул академиялулун.

Ттуплислив мусил медальданий ванал бувккуну бур гимназия, мукунма ххаллилу къуртал бувну бур Петербурглив Аьрали-медициналул академия.

Вагу хъхьичIунсса ккаккьярттайну къуртал бувну, зана хъуну махъунай, увххун ур Ккавказуллал аьралий ва санитар управлениялийн, 1-мур разрядл хIакин хIисаврай. Муния махъ Азирбижаннавун ивзун, цал ЗакIатIаллал полкрал хъунама хIакинну, яла Бакуйнал лазаретрал ординаторну зун ивкIун ур.

1920-ку шинал ва тIайла увкун ур Шурагъун, Дагъустаннал стрелковый полкрал хъунама хIакинну, махъату – 13-мур дивизиялул лазаретрал ординаторну.

Ялагу МахИаммад зана хъуну ур махъунай Азирбижаннавун. Бакуй, Семашкол цIанийсса азарханалий зий, укунасса хIакинная тIайла хъуну, бивтун бур хъунасса аьлимчунайн, кафедралул каялувчинайн бианнинсса захIатрал ххулу.

Ванал бакьин бувну бур (ххассал бувну бур) цIанихсса цимиягу балайчинал чIурду.

Цалнияр цал машгьур хъанан диркIун дур хирург-отоларинголог МахИаммад Къажлаевлул ца. Ванал къашайшалтраву къачансса бивкIун бур ца дурксса балайчитал ва актертал.

К са савасса, куртIсса кIулшивуртту дусса хIакин

ушивруцIун, МахИаммадлулу бивкIун бур цайми-цайми гьунардугу. Цалва пишалул буржру биттур бувну махъ ванал льякъайсса диркIун дур чIунгу, гужу цайми давурттаха зунссагу. Массалдаран, ванан хъинну ххуйну кIулу диркIун дур литература ва искусство. Бакуйсса Оьруснал театрланува А. Грибоедовлул «Горе от ума» пьесалул премьералул хъхьичI Азирбижаннал халкъуннал артист А. Шарлаховлул (МахИаммад Къажлаевлул къашайшалтравасса ца) цалва коллективраха увкуну бивкIун бур: «Явара, залданува Къажлаев уссар. Текстраву цикIуй льяхан мабулларду, профессорнан пьеса дакIних кIулссар», – куну.

МахИаммадлул хъинну ххирасса диркIун дур суратру ришлан. Уттинин яхъуну дур ванал риршусса, ххишала чувчIав дакъасса суратру. Миннуву дур хъхьичIавасса Гъумучиял шагьрулулссагу. Ванал риршусса суратирттавах дур та заманнул инсантуралсса, тIабиаьтралсса, шяраваллалсса. Сурат риршуну махъ му га суратрайманачIан чара бакъа диян дайссагу диркIун дур ванал, сурат ларьсса чIунгу чирчуну, хIатта му ци фотоаппаратрайн ларьссарив мунил журагума чивчуну. МахИаммадлул цалчинмур фотоаппаратну бивкIун бур «Фотокор» журалулмур.

МахИаммадлул мукунна хъинну ххирасса диркIун дур лавгзаманардацIун, тарихрацIун дархIусса цимурца. Укун, ваначIа хъхьичIарасса затирттал коллекцияртту бивкIун бур. Вайннал библиотекалулу бивкIун бур Лермонтовлул, Пушкиннул, Тютчевлул, Услардул, Бестужев-Марлинскийл луттирдал цалчинсса изданияртту. Бухсса луттирдугу ванал, бакьин бувну, цIу байсса бивкIун бур, яла вайннул оригиналлу, суратругу риршунгу, музейрдан пишкаш байсса бивкIун бур.



Ппу Давуд. Ттуплис. 1897 ш.



МахИаммад Къажлаевлул риршусса хъхьичIавасса Гъумучиял сурат.

Юбилейран хасну

Цанихсса агьулданул цанихсса арс



Нину Рукьжат (щайх Жамалуттиннул душнил душ)
цилва арсурваврашал: МахIаммадлушал, Юсуп-хIажинашал
ва Загьидинашал. 1900 ш.



МахIаммад Къажлаев. 1932 ш.



Елена Къажлаева. 1929 ш.

ЦачIанма чIу хьин буван бувкIсса пациенткахь хIакин МахIаммадлул,
личIлулну угу-урувгун, увкуну бур: «Связькардай къурхь дур, балай тIун
къабучIину бур. Хьиннува хьинни... ина ттун хьурча, на ина оьрмулукун
хьин булланна», – куну. Душгу рязи хьуну бур.



Цала арсурваврашал:
Багьадур, Мурад ва фронтрая зана хьусса Теймур. 1945 ш.



Елена ва МахIаммад



Мурад Къажлаев. 1944 ш.



Бущикъи. Давуд Къажлаевлул варсив буллай ивкIсса Машлул къатлул сурат. 1908 ш.
Къатрайсса тIаннул ултгуй чивчуну бур: «Торговый дом Д. Кажлаева»



МахIаммадлул кулпатну
Мнясив бувну бур Елена
Михайловна тIисса оьрус душ.
Вагу бивкIун бур ванал къашай-
шалтравасса ца. Студент заман-
най Еленан, мискиншиву саван-
ну, чIярусса ссятирдай килиса-
лул хордануву (церковный хор)
балай тIун багьайсса бивкIун
бур. ЧIунин зарал хьуну, арцу-
гу цачIун дурну, ва багьну бур
хIакин Къажлаевлулчан. Ванал,
личIлулну угу-урувгун, увкуну
бур: «Связькардай къурхь дур,
балай тIун къабучIину бур вин.
Хьиннува хьинни... ина ттун
хьурча, на ина оьрмулукун хьин
булланна», – куну. Душгу рязи
хьуну бур.

Еленалмур гьунар, лавай-
гу чивчусса куццуй, бивкIун
бур музыкалуву: ванил ххуйну

балайгу учайсса бивкIун бур,
устарну къавтIунгу бизайсса
бивкIун бур. МахIаммадлул
Еленаха чIалачIин къадиркIун
дур. Вайннал дянив хьусса ар-
сурвавраваасса цаннан – Мурад-
лул бигьану бивкIун бакъар ца-
лий ацIан: ниттин ччай бивкIун
бур ванал музыка язи бувгьун-
ну, буттан тIурча, ччай бивкIун
бур арснал медицина язи дур-
гьуну. Ахиргу, Еленалмур би-
яла ялтту буккан бивтун бур
МахIаммадлул.

МахIаммад Къажлаевлул ца
дирзун дур Азирбижаннавусса
Кусары шагьрулийсса азархана-
лул, мукунна, жунна цинявннан
кIулсса куццуй, ванал цалла ва-
тандалийсса Гьумуксса азарха-
налунгу.

ХIадур бувссар
Бадрижамал АБЛИЕВАЛ

Шамил Керимов Лакрал театрданувун увкІсса 1973-ку шинал, Ереваннай ххюра шинай дуклай бивкІсса Лакрал студиялушчал. Та чІун, хІакьинусса кьинилул бюхтлушвирия буруглагийний, ххарисса, чаннасса байрандалул кьинирдуну чІалай дур. ЧІун нанисса ксса му мукун бивкІшивугу ялу-ялун тасттикь хъанай бур. Дяркьусса ссутнил кьини, шала шагьрулувух хъунисса афишардугу ларчІун, шІусса студиялул дипломрал спектакль ккаккан буллалиссар тІисса чІалав циняв лакравух багьну буссия. Гьантгайнмай танийсса Оьруснал театрданул лагма лавгсса халкьуннал шала махІла лухИ лаган бувну буссия. Билетру биял кьахъанай, залданувун буххан ччишириннал мугьали байгьин милицалтрайнгума обькуну буссия. Нагу дахъва театрданувун завлитну зун бувхсса чІун дия. Байран чІюлу дан театрданул директорнал жу гьан буну ттуршра кьурушрансса (ми та заманнай диялсса арцуя) тІутІив ласун. Театрданул хъун автобус бувцІусса ссутнил тІутІал кацІру машин ласарду. Шала театр тай тІутІал аьнтсса кьункьал бувцІуну бия, сценалийн бувхсса студиялул оьрчІругу, гайннал педагогталгу тІутІал кацІурдивун бахьлаган бувсса чІумал. ХІакьинусса кьинигу вай ссутнил тІутІал кьанкь риршукун, та Лакрал театрданул байрансса кьини хъхьичІ дацІай.

Ца тирххану дия та хъхъуну залдануву шябивкІминнал дакІурдиву. Ца чІюлушин, ца байран дия сценалий. Циксса чаннасса умудру бахІлай бухъуниссия залдануву шябивкІсса Лакрал культуралий дакІ цІуцІими та хъхъуну сценалийсса оьрчІал ва душварал оьрмурдацІун, тайннал творчествалуцІун! Цукун ххуйсса, цукун исвагьисса бакІ-чурххал заллухърусса оьрчІру, душру бия та хъхъуну Лакрал театрданул сценалий! Вайннал ххуйшиврух ябитан, багьана-сававрттугу ляркьуну, репетициярдал чІумал, букІлай бия шагьрулувучири театрдал зузалт, лагмасса идарарттавасса инсантал, личИ-личИисса кьулдугьчитал. Цала лакку изагурахъя шаттирал тинмай кьахъанай, кьаралданий бавцІуну бия жула душру шарну бувцІусса ва вайннал архІал бувкІсса армани оьрчІругу.

Нрал театр тІутІайх бичин бансса миллатрал тамахІ. Дипломрал спектакль ккаккан байхту (А.Островский «Гроза» ва А.Ширванзадел «Из-за чести»), ххюра шинай Ереваннай машгьурсса педагогтурачІа лахІлай бивкІсса пишалул ялттугу ша лавсун, чІявуми оьрчІру-душру лавгуна театрданува. Кьавхъуна тани Лакрал миллатраца буруччин та жухъунма сайки хаварсиз биривсса рубхІанисса ххазина. Нигьабувсуна жагьилталгу кІицІ лаган ламусьсса харжираягу, кьайма автобусирттаву кІина-гьина зунттаву гастроллай занан аьркиншивриягу, ялун бучІантІимувиву чаннал пишцІу кьачІалачІавриягу.

ЛивчІуна театрдануву ацІния мукьа инсаннаяту ххюя. Гайминная цалсса кьатІунна. Амма кьанкьану, дакІ дарцІуну учин бюхъанссар: бувагу харж кьабикІантІиссар учирчагума, Шамил Керимов ялагу кьагьанссия театрданува. Мукьса оьгтурчІавун бувххун бия ванал ва пиша. Мукьса ххирасса бия муна цала миллат, мукьса гьира

Юбилейран хасну

СахІналул ясир увма

Февральданул 2-нний Дагъусттаннал халкьуннал артист Шамил Керимовлун 75 шин хъунтІиссия



Шамил



Патимат

Шамил Керимовлун ва Патимат Хасановал ташу, махъ бакъа, ссавний хІасул хъуминнувацца бия. Ереваннай цачІу дуклай бивкІсса шиннардия шинмай байбивхъуну, оьрмулул ахирданийн бияннин, вайннал дьанивсса Лайли ва Мажнуннул куннасса ччаву тачІавгу хъхъара кьархъуна.

бия ванан хасну Лакрал театрданул сий гъаз дуллан. Тана танийя шала Лакку билаятрайсса Лакрал душру-хъами Шамиллух эшкьин хъуну бивкІсса. Тани Шамил Керимов, утти зумувну учирча, цил багьайкунсса «чанна цІукуя».

Шамиллуша аьгьу-гьилину ччатІ льякин, шак бакъа, ччинийгу хъунтІиссия. Школалий ххювардай дуклакисса комсомолецнаша партузала карьера дан бюхъанссия, масалдаран. Ца ппурттуву Шамил Лакрал театрданул директорнугу ацІан увну уссия. Амма, пишалул зуву ялтту дурккун, ялагу сценалийна зана ивкІссия.

Шамиллул цинявннуяр ччан хъуну дия артистнал даву. Му даврия чичлангу ххишала бакъа захІматри. Ца режиссернал театрданул даву лашан дурну дур марххалтания гьайкаллу дацІан дуллалавриха. Баргъ битайхту, дарссунни, ларгунни, хъамадиртунни. Аммарив гьарца га кьавкминнаву ливчІунни дунияллий цува усаксса хъамакьабитансса асар. Цукун бусанна ина гания кьаккавкминнахъ? Цукун хъхьичІ дацІан данна чурххавун зурзу бутлатисса, итгав макъ дучІан дуллалисса суратру?

Георгий Хуциевлул пьеса буссия «РухІирансса квартет» («Квартет для души») тІисса ца ппурттуву Лакрал театрданува бивхъуну. Хъинну ххуйсса спектакль буссия, цанихсса режиссернал, алжан буливу, Валерий Эфендиевлул бивхъусса. ЛяличІуну чаннасса, ттунгъа-

сса, бюххансса. Шама кьужагу, ца кьаригу гьуртту хъанай буссия гиву. Кьарил роль дургуну РайхІанат Буттаева буссия. Ганних хІакьинусса кьинигу эшкьинувасса кьужрал роль дургуну, аьпа бивухъул, ХІасан Буттаевгу, Садикь МахІаммадовгу, Серго Хайдаковгу буссия. Гугуца-РайхІанатул дакІниву тІурча, хъамакьаитайма, язима, аьзизма – аьра зана кьавкІсса лас уссар. Гугуца ганаьту гьалгъа тІутІисса ппурттуву маркІачІан чІумул цІаннал бувгьусса сахІналул куртІнивалу хІурхІацІакул чанна лахъайссия, тийх, архний, Гугуцал дакІнил лекъашайсса нурданува, бувагу ца лахІзалий пар учайссия ганин дарс дирзсса абаллийсса ххираманал лишан. Гана га дарс дизлазисса лишандалул рольданий, бувавагу ца лахІзалий, укайссия ца кьавтІаврил хъаттиралу Шамил. Чурх микІлачІайва! Итгав макъ дучІайва. Гьар мудар. Гьар кьавктари. Цанчирча, га лахІзалува дурчІайва вил дакІнин уздансса хъамитайпалул ххираманая, акъа чара бакъаманая архну, оьнма, ссувайнма лавгсса оьрмулул кьурчІишивугу. Ссахлу харж хьуссарив кьакІулун жан ратлук ларгсса виричунал бивкІлул кьиямашивугу. Бурувгун-бурганнин кьовчуну гьан хъусса оьрмулул пашмансса ссутгу. Вай циняв асардугу – гана га ца лахІзалува, цакуну. Гьай-гьайкьай, тамашачитуран увчІайссия гацІана Шамил. Ганал бюхъусса чурх, чурхай ляличІуну даркьусса чиллучухъа. Караматсса пластика.

Цаманал, Шамиллул кунна,

репертуар цала бурхІайсса артистнал, учингума бюхъайва, ай, на му чІирисса рольданува кьауккайссара, куну. Шамиллул мукун такІуй кьаучинтІиссия. Ва профессионал уну тІий. НукІува увхъуса кушуй, ванан цала пиша яла язимурун, яла бюхттулмурун чІалай бунутІий. Ва так цала рольданул акъа, мударгу шала спектакльданулгу дардирай икІайну тІий. Гьар чІумух режиссерналгу, гьарца пашала зуиналгу уртакьну икІайну тІий.

Цикссагу дургьуссар Шамиллул цалчинми роллу. Классикалувугу, жулагу, чилгу, хІакьинусса кьинилул пьесардаву. Миннул лахъисса сияхІ кІицІ лаглай, зу азурда кьабулланна. Гьарцагу роль Шамиллул кьамул дайва кьисматрал язисса ядигар кунна.

Гаксса цала пиша ххирасса, гаксса профессионалну зузисса Шамиллул тІабиаьтраву, хасиятраву дакъая цичІаргу, жула учайхха, «кьямадиячинайтусса», ай «богемалул инсан» учинсса тІулу. Уздансса кулпатраву хъуна хъусса, мяьрипатрал увччусса, ххуйсса тарбия ларсьсса оьрчІадамина.

Гьашину Шамил Керимовлун бартлагантІиссия 75 шин. Амма кьакьисматну льякьунни ганан му оьрмулийн иян. Лакрал театрданун тІурча, иял кьавхъунни сцена чІюлу буллансса, угьараминнал роллу дугьлансса, сцена буцІин бан каша дусса артист. Мукунсса артистнах мюхтажнува ливчІунни жула, хІакьину чилгу жула хьурдай учинсса жагьилсса артистурал авадансса, сцена.

Оьрмулул аргьираву Шамил кьашай хъуна. КІусса азардануяр Шамиллул театр кьабитаву кьурчІуну бухъунссия. Амма тачІав, цакунчІав цала кьумашиву, азарданул кьовулул ягиншиву ялун личин кьадайва. Ганал чІарахми, га ххирами, дустал, гьалмахтал – ми чансса бакъая – махІаттал шайва, хІайран шайва

ганал аьнтсса ссавурданий, яхІ-кьиритрай. ТачІав ашкара кьадайва Шамиллул цавурасса дард, кьауккайва аьсив. Балаллувугу уздану ия.

Ташурду ссавнийри хІасул шайсса учай. Шамиллул ва Патимат Хасановал ташугу, махъ бакъа, ссавний хІасул хъуминнувацца бия. Ереваннай цачІу дуклай бивкІсса шиннардия шинмай байбивхъуну, оьрмулул ахирданийн бияннин, вайннал дьанивсса Лайли ва Мажнуннул куннасса ччаву тачІавгу хъхъара кьархъуна. Цаннал зумату ца канай тІисса кьагу, цаннал ца лахъ буллай, бюхттул буллай лавгуна вайннал оьрму. Патимат Хасанова-Керимова цуппагу машгьурсса, дагъусттаннал тамашачитуран ххуйну кІулсса, театрданул ва кинорал артистка. ХІайп, балахатІасса ковид сававну, вагу дукІу лавгунни жуьтува, цила хъамакьаитайсса Шамиллул хьирив.

Оьрмулул чгаьриравуцца чІумаллив Шамилгу, Патиматгу Лакрал театрданул ттарцІруя. Яла агьамми, яла хъхьичІунми роллу вайннахъ-я дусса.

ДакІний бур, таний жагьилсса театровед, цІанакул машгьурсса тележурналист Михаил Швыдкой увкІун уссия болгарнал драматургиялул СССР-данийсса фестивальданул шинал Лакрал театрданул бивхъусса Панчо Панчевлул «Мукьличалт» тІисса пьеса ккаккан. Танашал архІал машгьурсса «Театр» журналданул редакторгу ия. Нагу тайннал таржумачину буре. Хъуними роллу дургуну, гьай-гьай, Шамил Керимов ва Патимат Хасанова бур. Дунияллул зума кьирагьрайсса чІиви театрданува бизарсса Кіира ссят цукун-дунугу гьан дан хІадур хъусса бюхттулсса Москвауллал хъамал суратрая суратрайн аьчух буклан бивкІунни. «Оказывается, и в маленьких театрах на окраине бывает больше артисты! А эта актриса так напоминает Нину Дорошину!» – увкуну хІайран хъусса Швыдкой. Спектакль хІадур бувссия Валерий Эфендиевлул. Гьай-гьайкьай, яла, туну, жула спектакль ххувгу хъуссия. СССР-данийсса фестивальданува бюхттулминнувацца кІану бувгьуссия. Ларайсса бахшиш ласун режиссергу, артистгалу лавгссия Москвавилл, Болгарнал посольствалийсса хъунмасса мажлисрайн.

Шамил оьрмулул ахирданийннийгу, азарданул бияла ялтту бувккун, ичІаллил ясир увсса чІумалгу, цала шугьлурдаву, шишачІав ссуусукьу дан кьашайсса цала дакІнил дунияллий театрданул, цала гьунарданул утгара дуккан дурсса сипатиртал вив лавсунува ия. Хьарч-махсара бан кІулсса Шамиллул, иш багьни, цала хъамакьаритайсса роллавацца калимарттайну устарну ихтилат чІюлу байва.

– Лакрал театр Валерий Эфендиевлул «Мурадирал шараци» тІисса пьеса бишин най бур, таниха зун нанисса Даргиял театрданул режиссер Мустапа Ибрагьимовлул ттухъ гивусса кьужул билгьасса роль дугьан хІарачат ба увкунни, – тІий уссия Шамил ххарину. Азар дух дансса тамахІрай.

Кьакьисматну льякьуна.

Амма, Лакрал театрданул хъунмасса тарихрая, ганил ххувшавурттая гьалгъа тІутІисса, чиччалисса чІумал, кьахъунтІиссар ванал, бюхттулсса даражалул артист Шамил Керимовлул, цІанил чІарах буккан.

Качар ХІУСАЙНАЕВА



Махаммадхаж Махмуев

• – Махаммадхаж Асадуллаевич, аьмну цими шин дурссар ина Махачкьалалал 22-мур школай зий, цими шинай уссия директорну? Та, цукун тийла авцунув ина ва школайин?

– Махачкьалалал 22-мур школай (утти лицей) зий ттул 30 шин хьуссар. Зувирагу шинай директорну ивкьсара. Дагъустаннал университетрал чил билятиртгал мазурдил факультет кьуртал байхту, на увцунав зун Дагъустаннал пединститутравун вава факультетраин. На дипломрал даву чирчуссия МГУ-луву ингилис мазрай, защита ингилис мазрай дурссия. Защита дурсса чумал, ттучлан комиссиялува кия инсан гьан хьуну, пединститутравун чил билятиртгал мазурдил факультетраин зун овькуна. Циявхур, тай ва факультетрал декан ва кафедралул каялувчи бивкун бия.

Лицейрал юбилейран хасну

Педагогтуралгу педагог

Махачкьалалал 22-мур лицейрал гьану бивзун 50 шин баргларгунни. Ва хьанай бур Махачкьалалив хьхьичьсса шиннардий бувсса школардавацца. Школалул ца хьиннура гьаз хьунни, шикку медико-биологический лицей тийлаихту.

Школалул юбилейрацун бавхуну, ттул ихтилат хьунни чярussa шиннардий ва школай каялувшиву дулла ивкьсса Ваччиял шярвацца Махмуев Махаммадхаж Асадуллагьлул арнашчал.



Махачкьалалал 22-мур школа-лицей

дуклаки оьрчI ва 200-нния ливчусса учительтал бусса.

1979-ку шинал, оьрмулул 32 шинаву, гьан увссара на ва школайин директорну.

• – Ци тагьарданий бия школа ина увкьсса чумал, ссая айивхьура каялувчинал кьуллугьрай?

– На увкьсса чумал школалул каялувчитал цинив букьан бивну бия. Школа хьинну ххуй дакьасса тагьарданий бия. Оьрчал тахсиркаршивуртгал чулуха республикалий ца яла хьхьичьунми школарттал сияхраву бия.



Педколлективрашчал

тидневка» дурсса. Тийлаассар, нава тиймур бацлан бан бигьану бакья. Кьулшивуртту дулаврил министерство, шагьрулул администрация рязи хьанай бакья, хуллункьини оьрчIру ссаха зунтиссар тий. Тун кьула нава закондалул ххуттава уклай акьашиву, мунияту кьанкьану нава тиймуний авцуну ивкьIра. Хуллункьини оьрчIру бигьалагьсса, бялахьайсса кьини дикантиссар, музейравун, экскурсиярдаин занантиссар, личличисса конкурсру, бяст-ччаллу



• – Хьуссарив, винна ччай дунура, дан кьархьусса давуртту?
– Кьархьуссар. Дуван кьаст

Мухь Аьлиевлушчал
кьаврил министрду. Му съездрай та жула лицейраин кьарши букай бивкьсса кьулшивуртту дулаврил министрнал хьиривчунал бивкькуна ттул «Дагъустаннал лайкь хьусса учитель» тисса ца дуллалисса хьукму. Му затту тийаьнну дакьиний ливчIуна.

• – Бурив зул школалул выпускниктураву кьуллугьиртгайсса, машгурсса инсанал?

– Жул школа кьуртал бивсса чиявусса бур хьунисса кьуллугьиртгай зий. Цанасса Дагъустаннал захьматрал ва социал иширтгал министр Мурад Казиев, Дагъустаннал цулу-сагьшиву дуручаврил министр Татьяна Беляева жул выпускникталли. На нава булуссар миннахьун школа кьуртал баврил аттестату.

Цанасса директор Саламат



Кьизлярдал партиялул райкомрал цалчинма секретарь С. Я Паламарчук

Ттул захьматрал ххуллу шиччар байбивхьусса. Ряхра шин дурссар на шикку. Яла махь увкьсара школайин.

Му ишгу укун хьуна. Ца чумал ттул хьунаавкьуна университетраву ттухьра философиялул дарс дихьлай ивкьсса Мухь Гимбатович. Чув, ссаха зий ура куну, цуху-бусугу бивну, гьунтий цацлана даврийн ухху увкуна. Та чумал му Советский райком партиялул цалчинма секретарьну ия. Мунал маслихат бивна Махачкьалалал Пионертурал ва дуклаки оьрчIал Дворецрал директорну зун. На рязи кьавхьукун, Машлул ва кулинариялул училищалул хьунаманал хьиривчуну ацIу увкунни. Тун миккугу ччан кьабивкьIуна. Ца зурувату ттуин чагьар бивкьIуна Советский райкомраин оьвтисса. На партиялул райкомрал аппаратраву зун увцунав. Зий уссияв цал пропагандалул ва агитациялул отделданул инструкторну, яла заведующийну.

Тай шиннардий Махачкьалалал 22-мур школа бия республикалий яла хьунмамур, 3500

Ссая айивхьура учирча, хьхьичьIра-хьхьичьI школалул кьатри дакьин дан, инсаннал кушрайин дудин багьлай бия. Цементрал поллу даххана дан, ссирду бужкан аьркинну бия.

Школалул кьатри дурну дия 1972 шинал, Дагъустаннай аьрщи сукку хьусса чумал, жунма кумагран Тулаиясса строительтурал. На гиккун учаннин 6 шин хьуну дия школа зий. Гьай-гьай, байбихьулий захьматну бия.

Яла, махь, лагма-ялту 11-мур, 28-мур школартту байхту, на цаппара классру каялувчитурашчал архIал ми школарттайн тийла буккав. Жул ялату тамансса гьиву ларгуна. Зун байбивхьуру ца сманалий. Гьарца учительнан личIи барду кабинет. Байбихьуллул школа зузи барду 1-мур зивулий. Хьхьувайсса отделениялийми тIурча, ахтгая ссят кьира хьуну букьлан бивкьссар. Дахханашивуртту, цушиннарду дулла, хIалли-хIаллих тий, даву нирхивуна дагьуна.

Республикалий цалчин жул школайири хьюра кьини дарсру дихьлан бивкьсса, яни «пя-



Дуклаки оьрчIашчал

буллантиссару увкуну, дачIи шинай дуллалисса давуртгал план хьхьичьI дирхьуссия.

КьичьI лаган, ттула сипталий тийвIуссия школайин медико-биологический лицей. Укунсса лицей шалагу Аьрасатнаву цалчин жул школайири тийвIуну бивкьсса. Школалия арх бакья бия медициналул академия. Лицей тийтиннин на миннашчал икьрал дурссия лицейрал выпускниктал институтравун кьулайсса шартIирдай кьамул бавансса.

лархIумур дузрайин дуккан кьадурну кьаашайссияв.

Ттуява ттула коллектив рязину личансса ххуйсса даву цамургу дурссар на. Школа бусса кантурдай бивссар учительтурансса кьатри. Му аьршарайн тамакI бусса чиявусса бивкьIун, му зат шаллу бан ттул хьинну захьмат хьуссия. Му кьатлуву квартирадуду лавсьсар 30 учительнал, техничкал, хIаят лакьлакьисса инсаннал.



Миясат Мусимовашчал

Анавалугу ва школа кьуртал бивссар.

• – Ци учин ччива хIакьину школартгай зуминнахь, директортурахь?

– Яла хьуннамур кьулагьас дуккавил процессрах, кьулшивуртту дулаврих дувара учивияв. Мероприятартту чIяру дулла, дуккавил зарал хьун мабацIару учивияв. Дуккавилуна дахчин буюхайсса гьарца затрайин кьаршину икьайссияв на.

• – Цана инава ссаха зий ура?

– Цанану на вара системалуву зий ура. На ура Дагъустаннал педагогикалул Ветерантурал советрал председателю.

• – Барчаллагь, Махаммадхаж Асадуллаевич. ТийлабацIуртту чан кьахьуннав вин му бусравсса даврийгу!

Ихтилат бивссар Андриана АьДУЛЛАЕВАЛ

Жула хІакинтал

Дагъусттаннал медициналул къала



ХІажимурад Малаев Зинаида ХІусайхановацал

ПатІмат РАМАЗАНОВА

«Цусса шинал каникулду Москвалив, маччагъанцириннал дянив гъан дуллай ура. Жула билаятрал дякюрт-тарайн ивукун, къашайссия ттуца 45 шин Дагъусттаннал цІуллушиву дуруччаврил кълугърай зий гъан дурсса Зинаида ХІусайхановацал хъунакъавкъуну ацІан, ванил уттигъанну 70 шинал юбилейгу диркІнавхъур.

Зинаида Алексеевна чІярусса шинну МахІачкъалалал цалчинмур азарханалун дуллуссар. Хъунама хІакиннал хъиривчуну буссия ва хъин буваврил даврилсса буллай, ва кълугърай ванил цуппа республикалул медициналулу хъунмасса къала бушиву ккаккан бувссар. Ванил опыт, дазу дакъа цилла даву хъирашиву мудангу жун эбратрансса хІуччардур. Зинаида Алексеевнацалсса хъунакъаву язими дустурацалсса хъунни. Ва жулава азарханалий ва Дагъусттаннал медициналулу хъанахъимуння архну бавцІуну бакъар, дакІ цІуцІаву дуну бур, бучІи лякъинсса маслихІатру буллай бур. Зинаида Алексеевна Дагъусттаннал медициналул лажинни. ЦІуллушиву дуруччаврил культура, жан исватну чІалачІиссар укун дакІнихтуну захІмат бивхъусса инсантурал оьрмурдавату. Дазу дакъасса барчаллагъ вил захІматрахла, Зинаида Алексеевна!» – укун тІий чивчунни

МахІачкъалалал 1-мур азарханалул хъунама хІакин, Дагъусттаннал Халкъуннал мажлисрал депутат ХІажимурад Малаевлул Телеграмрайсса цала каналданий.

Тайламур бусан, хъуннасса хъаривчуну, хъаривчуну пахругу багъуна ттувун укун лавайсса кымат ттулва шярвадушнил захІматран бищаврия. Зинаида – Дагъусттаннал лайкъ хъусса хІакинни, зий буссия МахІачкъала шагърулул ЦІуллу-сагъшиву дуруччаврил управленялул хъунамал хъиривчуну, вава идаралул хъунама терапевтнугу. Бунялгтунгу, цилла даву куртІну кІулсса, шагърулул цІуллу-сагъшиву дуруччаврил даву лавайсса даражалийн гъаз дувавриву биялсса бутІа бивхъусса инсанни. Хъирассар ванил буттал аьрши, цилва миллат, миллатрал культура. Буттал шярваллия, 1-мур ЦІувкІуллая, ванил пасихІшиврул даражалий чирчусса макъалартту дуркссар республикалул кказитирттай оьрус мазрай. Лахъсса кълугъирттай зий бивкІнугу, дакІ хъун дакъасса, адаврай къущу тІутІисса, цищава шайсса хъин-бала инсантуран буван чялиш буккайсса инсанни. Пандемиялул ппурттувугу ванийн къавксса инсан лакравугу, къалакравугу ушиву къакІулли. Бусан аьркини ва кълугъ къабивтсса полковник, фронтовик

СантІуев Аьлиллул душ бушивугу. Паспортрай буттал цІа Алексей дуну тІийри ванийн документиртайн бувну «Алексеевна» учайссагу.

СантІухъал Аьлил ЦІувкІуллал фронтовиктурава махъамахъ дуняллия лавгмая, шярваллил жяматрал оьрмулул иширттаву хъуни-хъунисса давуртту дурсса, жагъилтураву тарбиялул гъану бивзсса инсанъя. Ванал тарбиялул гъанугу, гъай-гъай, Зинаидаву цІакъссар. ХІусайхановхъал ва СантІуевхъал тухумру кІулнан Зинаида кІулссар ххаллилсса нину ва кулпат хІисаврайгу. Ванил лас ХІусайханов МахІаммадбаг хІурмат бусса профессор, академикри. КІиягу арсгу, душгу ххуйсса давурттай, нину-ппу кунма, агъалинан бусравну буссар. Зинаида махъсса шиннардий Москвалив бивзун бур, вузраву ккалаккисса наслулул чІарав бацІаншиврул. Цийвасса циняв бигарду лайкъну бартбивгъусса Зинаида вава бюхъулий бартбигълай бур хъуннабавашиврул бигаргу.

ЦІалну бунугу, барча дуллай бур ванил 70 шинал юбилейгу. Ча тІий бур цІуллусса чІярусса шинну, кулпатравминнаясса тирхханну!

Сурат ХІажимурад Малаевлул телеграм-каналдания

«Иш мукун багъуна, ттул гъансса инсаннал ккарччул къюву дайдирихъуна бигъалагай къини, цурдагу жува цамур шагърулийн бувкІсса чІумал. Чун гъансарив, ци бансарив къакІулсса жухъ кІанттул инсантурал бувсуна чув буссарив стоматологиялул клиника. Жу къамул бунну терапевт-хирурге ХІажиев Пагъабутта Багъданнул арнал. Ххаллилсса, цала даву ххуйну кІулсса пишакар ия. Къювугу лагъ дурну, ттиния тиннай ци дантІиссарив маслихІатгу бувна. ДакІ хъинсса, ка сававсса хІакин ия.

ХІурмат бусса Пагъабутта Багъданович!
ДакІнихтунусса барчаллагъ вин цІими бушиврухлу, инсанишиврухлу.

С. Карбовец, М. Загородняя,
Аьрасатнал Журналистурал союзрал член

Барчаллагърай буру



Пагъабутта ХІажиев

Адриана АБЪДУЛЛАЕВА

Вана укунсса, хІакиннахъ барчаллагъ тІисса, чагъар бувкІун бур Сочи шагърулийсса Пагъабутта зузисса стоматологиялул поликлиникалийн тиккун тІайла бавцІусса хъамитайпалия.

Ккурккуллал шяравасса хІакинная ванил чивчумур тастикъ буллай, учин ччива Пагъабутта мйжаннугу ххуйсса хІакин ушиву. Ккурккуллал школагу екстерну къуртал бувну, ва увхссия Дагъусттаннал

медициналул университетравун. Ва къуртал байхту, Социлийн лавгуна зун. Зий хъунма хІал къавхъунугу, ва кІулну ур ххуйсса хІакин хІисаврай. Пагъабуттан 25 шин дур.

Уттиния тихунмайгу вана яризисса клиентътал цикссагу бикІаншиврий шак бакъар. Цала даву ххуйну кІулшивруцІун, ва ур аьчхусса, дакІ хъинсса гъгил. Ча тІий буру Пагъабуттан оьрмулулгу, захІматралгу ххуллий тІайлабацІуртту ва хъьичІуннашивуртту.

ЛивтІусса тюленнаву гриппрал вирус ляркъуну дур

Каспий хъьхъирил зумардай ливтІуну лявкъусса тюленнаву лелуххантрал гриппрал вирус душиву исват бунни аьлимтурал. Дагъусттаннал паччахІлугърал университетрал экологиялул институтрал директор Аьлимурад ХІажиевлул бувсунни журналистътурахъ ЯтІул дуттирайн лавъсса тюленну ларгсса шинал гъйдайдихъулийгу вара гриппрал къатІ бувну лявкъушиву «Малый Жемчужный» тІисса жазиралий.




П. РАМАЗАНОВА

– Шаллагу дуняллий ва гриппрал штамм ппив хъуну най бур, ванил хІайвант, жанаварт къатІ буллай бур, хъьхъирилмигу. Аляскалий хІатта цухъригума ва гриппрал бувтун бур. Каспийлул тюленнал бакІрачІангу вава къадар бувкІшиву мйжан хъанай бур. Ттигу хъиривляевуртту дуллай буссару, амма аьшуйн шуну вана вари савав учингу чъяссар. Мукун учин-

сса хІуччарду бикІантІиссар, ва иширал хъирив лалалисса программа бартдигъайхту. Жу «Компас» тІисса фондрал экспертту-рашал ва вирусиртталсса буллалисса коллегахъашал уртакъну зий буссару, балжину инттухунмай бусанну тюленну литІаврил багъана ци хъуссарив, – тІий ур эколог.

ДакІнийн бутан, 2022 шинал декабрь зуруй 2500-нния ливчусса тюленну ливтІуну лявкъуссия Каспий хъьхъирил зумардай.

Жижара



**ШАЙХАХИМАДУЛ
АРС ИСЯЕВ
НУРУЛЛАГЪ**

Вай гъантрай аьпалу-хьхун лавгунни ххаллилсса лаккучу, Хьурттал шяравасса ШайхахИмадул арс Исяев Нуруллагъ.

Увну ур Нуруллагъ 1941 шинал. Школа кьуртал бувну бур Хасавюртул райондалийсса Костек шяраву. Мунир махь, Къзахьстанный аьрлий кьуллугьгу лавхьун, 1967-ку шинал увххун ур Дагъусттанный паччахИлугьрал университетрал тарихрал факультетрайн. Зувирахьул шиннардий Нуруллагъ зий ивкИссар шупирнугу.

Ва ия дакI-аьмал хьинсса, хасиятрал авкъусса, чIарав ацIан анавар уккайсса адамина. Ванал хIурмат бия чIаххув-чIарахнал ва архIал узиминнал дянив. Ххирану икIайва циняв маччагъаннангу.

Нуруллагъ аьпалул хьусса кьурчIишиву кIидачIлай, жижара буллай буру кулпатрахь, уссихь, махьсса гъан-маччанахь. Бунагьирттал аьпа баннав, рухI алжаннул ххари даннав. Махьсса цинявннал оьрмурду лахьти баннав.

Хьурттал жямат

Баян

Редакциялуцун дархIусса тIалавшиннардайн бувну, «Илчилий» бишлашисса жижараттал текстру буссар укунсса багьрал лагрулий: укунмасса жижара – 200 кь., суратрашлсса некролог – 500 кь.

«ИЛЧИЛУЛ» редакция

МахIачкьалалия Израилнавун

АхIмад-Хан Султанул цанийсса МахIачкьалалал аэропортра, февраль зурул 15-нния байбивхьуну, тIитIин тIий бур Израилнавунсса самолетирттал рейсу.



МахIачкьалалия Тель-Авиврайнсса самолетрал ххуллу 3 ссят ва 50 минутрал манзилданнийсса бур. Тель-Авиврайнсса

самолетру лехлантИссар ножмардий цал, арвахIкьинирдай.

Ва рейсрайнсса билетругу байбивхьуну буссар бахлай.

МахIачкьалалия Красноярскалийн

Апрель зурул 30-нния байбивхьуну, МахIачкьалалал аэропортра Nordwind авиакомпаниялул тталат ва алхIаткьинирдай дуллан най бур Красноярскалийнсса рейсу. ЛехлантИссар пассажиртуран кьулайшиву дусса гьарта-гьарзасса салон бусса Boeing737-800 маркалул самолетирттай.

МахIачкьалалал аэропортра тталаткьинирдайсса самолетру лехлантИссар 23:55 ссятраву ва Красноярскалийн диллантИссар 08:30 ссятраву. Красноярскалийн МахIачкьалалиннсса самолетру лехлантИссар 05:40 ссятраву ва МахIачкьалалин диллантИссар 06:55 ссятраву.

АлхIаткьинирдай МахIачкьалалия Красноярскалийнсса самолетру лехлантИссар 20:00 ссятраву ва Красноярскалийн аэропортрайн диллантИссар 04:40 ссятраву. Красноярскалийн махьуннайсса самолетру лехлантИссар итникьинирдай 09:35 ссятраву ва МахIачкьалалин диллантИссар 10:50 ссятраву.

Билетру машин ласун бюхьайссар аэропортрал кассардая ва авиакомпаниялул сайттра.

Пассажиртуран кIулну би-

кIаншиврул, Аьрасатнал шагьрурдайнсса рейсирдал регистрация дайдахьлахьиссар леххан 2 ссятрал хьхичI ва кьуртал хьанахьиссар леххан 40 минутI лирчIсса чIумал.

КьатIувсса билайирттайнсса рейсирдал регистрация дайдишайссар леххан 3 ссятрал хьхичI ва кьуртал шайссар леххан ссят лирчIсса чIумал.

Регистрация дан чIал хьминнал багаж кьамул кьабайссар.


Му бакьассагу, авиакомпаниялул ккаккан дурмунир хьуннасса духьурчан буздлул лагру, ххисаласса арцу дулун багьайссар.

Багажрахсса багьа кIул бан бюхьайссар авиакомпаниялул сайттрай ва телефоналувух оьвкуну.

**ХIадур бувссар
Имара САИДОВАЛ**

Сурат – му абад бувсса лахIзар

Даврил уртакьнал аьпалун



Тажуттин МахIаммадов (Юхвари)



ЧIалну бавунни ттун лазгияла коллегаяту декабрь зуруй дуняллия лавшиву Дагъусттанный журналисттуран ва буккултран ххуйну кIулсса фотокорреспондент Тажуттин МахIаммадов (Юхвари).

ПатIимат РАМАЗАНОВА

Ва Сулайман Стальский райондалийсса Юхвари тIисса шяраву увну ур, псевдонимнугу буттал шяраллил цIа ларсун дур. ОьрчIнийва ятинну ливчIисса ва Каспийскалийн интернатрайдуклай ивкIун ур. Ванал цала бусайва, интернатраву оьрчIру, аьдада чIун гъан кьадулланшиврул, чара бакьа цукунсса-дунугу журалул кружокрайн занан аьркинссия, цалла фотокружок язи дургьуссия, шагьрулул конкурсрай ххув хьуну тIий, «Зоркий» тIисса фотоаппарат бахшиш бувна, тания махь фотоаппарат каруннища шьяв кьабивхьуссар тIий.

Цаппара шиннардий зий уссия Юхвари «Илчилул» фотокорреспондентнугу. Тани кказитрал даву личIисса бушилил най дуссия, гьарцагу мероприятиялийн, аьрхилийн чара бакьа суратришугу журналистнашар архIал икIайссия. Тгун дакIнийсса кьа, дахьва ччаннай бацIлацIисса «Илчилул» редакциялухь дакьая фотоаппарату, аьркинсса цамур ласунсса каша. Юхвари рязи хьуна, лазгиял кказитрайгу зий, бацIи ставкалий «Илчилийгу» зун. Ванал архивраву диялсса дуссар лакрал оьрмулушиширтгацIун дархIусса суратру. Шиккува кIицI лаган ччива, тай шиннардий ванал хIарачатрайну, «Дагъусттанный правда» кказитра тIайла хьуну, республикалул кказитирттай дикIайссия лакрал язими арсурваврал, душваррал тамансса суратругу. ЧIявуну ванал тикрал бувайсса махьругу дакIний ливчIунни: «Сурат – абад бувсса лахIзар. Агар суратраву оьрмулул тарг бишин хьурча – му ларайсса магьирлугьри. Камерату тIайла бувну, ччиманаша шайссар сурат ришун. Бюхьулий, усттарну сурат ласун тIурчарив, гива, дакIниватугьсса, ябитаву дикIан аьркинссар».

ЧIярсу дур Юхварил «Илчилий» риршусса суратирттаву дакIнивату нанисса ябитаврил чанна дурсагу. Аьпа баннав вил, инара язи дургьусса даврил усттар, магьир!

**Суратру Тажуттин Юхварил
архиврава**

Лакрал халкъуннал учаларттава

Букан ччан бивкIукун, цухь-лулгу цила оьрчI пяпливух бувкссия тIар.

БархIеу ганссса, уттулугу хьунмасса, луу урссса хIайван къабикIайссар.

Дард дакъувату балайгу къаличай, цIукъацIинавату уьгу къаличай.

Аваданна увкуну, пахругу мабара, мискинна куну, авсивегу машара.

Аваданчунан мискинчу къакIулссар.

Аваданма чIявуну чIуруксса лякьайссар.

Аваданишувугу мусиву дакъар, оьрму лахьшишувугу азарда шинаву дакъар.

Аваданишврул уссурвалугу ма бакI битайссар.

Арулва оьл бусса къушлий зункIуллуя урша чан къашайссар.

Ариугу, щин кунна, канища дуккай.


Ариул ханная лагь, лагна-ягу хан айссар.

Ашрапирттал ххуржинтту ялвссса ттуккугу ччимур къалалул чIрайх лахьайссар.

Акълу аваданишвруву бакъарча, бакIравур бикIайсса.

ЧIунлахъиялун

КIяламиннул 2 ходрай мат дихълай бур.



11. Фd2 Крe2 2. Фa5x
1. Крe2 2. Фa5x



«Илчи» – маслихIатчи АхъницIунсса маслихIатру



Муркъилийнияр ахъуву хъинмуния

КIинттул ахъуву, дачалий дулланмур къадикIай. Ванийн бувну КIи дур интту ишла дувансса оьргъашиврун аьркинмур салкъи дуллан яла хъинмур чIун. Оьргъашиврун ишла дуван бюхълай бур, жура дуркуну, дукралун ишла дурну лирчIмургума. Ванийн бувну, анавар мабуккару ккунукрал, нувщул, чимусул, пуртихалданул, банандалул макъартту-ккиртту, заваркалуд чяма экъибичин. Вай цимурца жушара инттухуннай ахъуву, дачалий мюнпатну аьркин дан хъунтIиссар. Шиву чIявуссар дугълагьимунин чара бакъа аьркинсса витаминну ва цаймигу затру.

Ккунукрал макъара

Инттухуннай ва кальцийрал авадансса оьргъашиву ишла дуван хъунтIиссар нувщи, помидор, перец, бадиржан, хъюрув, калан, чимус, къур, къавахъ, накълил уртту ххяххан дуллалийни.

Ккунук ишла бувтари, макъара, гиву лирчIмуниягу марцI бувну шовшуну, къакъан битира. Къавкъун махъ, мюрш бувну, чагъарданул къуцурттувун ягу коробкалувун, банкалувун (так къалакь малакъару) бича-



ра. Гъарца ккунук ишла бувтари ва даву дуллай, чан-чанну тIий, инттуин биялсса макъартту салкъи хъунтIиссар.

Ишла буван аьркинссар шахълахъи къабувмур ккуну-

крал макъара. Ххуйну къакъан бувну, мюрш бувну махъ ми бичира чагъарданул къуцурттувун ягу коробкалувун.

Чимусул ккиртту

Вай аьркин хъунтIиссар, ца оьргъашивуну бакъассагу, ахъуву чан бакъасса зиянчитурашлсса талатаврингу.

Чимусул ккирттал оьргъашиву ишла дуван хъунтIиссар нисварти, помидор, перец, къавахъ, нувщи, къур, калан бугълагьийни ва ххяххан буллалийни. КIинттулва салкъи буллай, къакъан буллалира чимусул ккиртту.

Банандалул ккиртту

КIилахъаннин лавхъсса батареялий къакъан булуvara гъарца банан дуркутари ливксса ккири, ва бучIиссар бургъилу, гъавалий къакъан бувангу. Ххуйну къавкъсса ккири, мюрш бувну, инттуин букъара чагъарданул къуцурттувун ягу коробкалувун.

Нувщул ххянчру

Нувщул ххянчру инттуин микIлачIун дувара ягу къакъан дувара. Къакъан дуван бучIиссар гъавалий, так бургъил тIайлансса тIинтту къашилану.

Ахънин мюнпатран ишла дуван бучIиссар так шакъавхъми нувщул ххянчру. Инттуин ядуvara ялтту мяххи къадакъинну, къакъатанну.

Гихунмайге буссар

ХIадур бувссар Бадрижамал АБЛИЕВАЛ

Оператив штабрал бусласимур

ХIакъинусса къини (январьданул 26-ний) Дагъусттаннай коронавирсурал къашавайсса 102 755 инсан ур (гъантлун 21 инсан къашавай хъанай ур). Хъин хъуну ур 98 931 (гъантлун 16 инсан). ИвкIуну ур 3 626 инсан. Ххалувну ур (тестру дурну) 6 226 737 инсан (гъантлун 5337).

Дагъусттаннайсса вакцинациялул хIасиллу

Дагъусттаннай - 1 750 441
Ккуллал райондалий - 6 053
Лакрал райондалий - 6 194
ЦIуссалакрал райондалий - 22 611



МАХIАЧКЪАЛА

Ит	Ттл	Ар	Хм	Нж	Ххл	Ал
30	31	1 фев	2	3	4	5
ДЯРКЪУ-ГЪИЛИШИВУ (°C)						
+5	+4	+5	+5	+5	+4	+6
+2	+2	+2	+2	+2	+2	+2
МАРЧ (м/с)						
5	5	5	5	8	8	11
ГЪАРАЛ(мм)						
0	0	0,1	0	0	0,7	0,5

Гъавалул тагъар

Ит	Ттл	Ар	Хм	Нж	Ххл	Ал
30	31	1 фев	2	3	4	5
ДЯРКЪУ-ГЪИЛИШИВУ (°C)						
+3	+2	+1	+1	+1	+3	+3
-5	-7	-7	-6	-7	-6	-5
МАРЧ (м/с)						
4	5	6	3	4	5	11
ГЪАРАЛ(мм)						
0	0	0	0,4	0	0	1,1

ГЪУМУЧИ



Газета «Илчи» (Вестник)

Учредитель:
Агентство информации и печати
Республики Дагестан

Хъунама редакторнахлу:
БАШАЕВ Р.М.
Тел.. 65-00-07

Къардашов Р. Ав. Тел. 65-03-12
хъунама редакторнал хъиривма

Редколлегия:
Адамов АбдурахIман
МахIаммадович
Аьлиев ХIажи Сулайманович
Исрапилов Артур Анварович
КъурбанмахIаммадов Чанкура
Рамазанович
Маммаев Сулайман
Нураттинович
МахIаммадов Юсуп ХIамидович
Хапалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделлал редактортал:
Абдуллаева А. П.
Аьдилов ХI. А.
Рамазанова П. ХI.
Тахакъаева З. К.
ХIусайнаева К.А.

Подпискалул отдел:
Абдуллаев А. Къ.

Корреспондентгал:
АбдурахIманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макъаларттаву КIицI лавгмур тIайлашиврул жаваб дулайссар чивчуманал. Редакция макъалалул залуннал пикирий рязину бакъахурчагу, макъала рийшайссар, жяматрал цаламур пикири бусанссар тIисса ниятрай. Кказитраин дуркIсса макъаларттайн рецензия къачичайссар ва ми залуннахъхун зана къадайссар.

Кказит буккайссар нюжмардий цал. Шинай итабакъайссар 52 номер.

Кказитрал индекс. П7046
Тираж – 2000 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс. 65-00-07

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.
Цена свободная



4 651116 280051